



Now Available!

POM: 313 9800
LAE: 472 5488

THEODIST LTD
THE STATIONERY SUPERMARKET



pepsi[®] pipol



www.facebook.com /pepsipng

Like

na painim aut moa long ol narapela promosens blong mipla bihain taim.

INSAIT:
Wantok Today bilong mun Disemba i stap insait!
P6,7,20,21

Wantok Today



Wol Visen na EU sapotim wok.. **P10**



OPOSISEN I GAT NAMBA: Ol i mekim nois pinis long baset bilong gavman na kam aut. Isten Hailan Gavana Julie Soso i joinim ol nau. Poto Nicky Bernard. Lukim moa stori long pes 2

PNG i gat K19bn dinau

- K3bn UBS dinau
- K2.3bn 2015 dinau baset
- K14.2bn dinau stap pinis

Stanley Nondol i raitim

OPOSISEN i tokaut long palamen olsem dinau bilong kantri i stap long mak bilong K19.76 bilien na gavman bai no inap mekim dispela mani insait na ausait long kantri long bekim dispela dinau.

Gavman i tokaut long baset buk bilong 2015 olsem dinau bilong kantri i sanap long K14.2 bilien. Tasol Polye i tok dispela em giaman mak bilong mani.

I go moa long pes 2...

MORE FLIGHTS TO CHOOSE FROM

 PORT MORESBY TO LAE v.v 4-5 x DAILY FLIGHTS	 PORT MORESBY TO MT.HAGEN v.v 4 x DAILY FLIGHTS	 PORT MORESBY TO RABAU v.v 2-4 x DAILY FLIGHTS	 PORT MORESBY TO GOROKA v.v 2 x DAILY FLIGHTS	 PORT MORESBY TO ALOTAU v.v DAILY F100 FLIGHTS	 PORT MORESBY TO DARU v.v 3 x WEEKLY FLIGHTS	 PORT MORESBY TO CHIMBU v.v 3 x WEEKLY FLIGHTS	 PORT MORESBY TO MENDI v.v 3 x WEEKLY FLIGHTS
--	---	--	---	--	--	--	---

PNG i gat K19bn dinau

I kam long pes 1...

"Dinau bilong kantri em; K3 bilien bilong UBS dinau, K2.3 bilien dinau baset bilong 2015 na K14.22 bilien bilong dinau i bin stap pinis. Total dinau i moa long K19.76 bilien," Mista Polye i tok.

Oposisen i tok dispela K16 bilien baset bilong 2015 i no stret na ol i singaut long gavman i mas mekim gen, tasol gavman i yusim namba pawa bilong en na oraitim baset asde nait.

Mema bilong Kandep Don Polye husat i makim oposisen i bin bekim toktok bilong dispela baset. Em i tok 2014 Saplametri baset na 2015 nesanel baset i no stret bikos gavman i kamapim na opim rot nau long stil pasin i kamap long pablik mani.

Gavman i oraitim dispela K16.2 bilien baset bilong 2015 asde. Dispela em bikpela baset long histori bilong kantri tasol K2.3 bilien dinau bilong 2015 tu em bikpela dinau long histori bilong Papua Niugini.

Oposisen lida Belden Namah, deputi lida, Sam Basil na ol memba bilong oposisen i tok planti giaman namba i kamap long baset pepa na gavman i no tok tru bikos i gat planti asua i stap. Oposisen i bin singaut long ol memba bilong palamen long no ken sapotim dispela baset.

Tasol gavman i gat bikpela namba olsem na ol i win long vot bilong sapotim baset bilong 2015 asde long 7 klok nait.

Long taim Mista Polye i bekim toktok long baset, em i tok dinau bilong kantri i sanap long K19 bilien na i no K14 bilien olsem gavman i tokaut long baset buk.

Mista Polye i tok i kantri i mekim planti winmani na gavman inap long mekim winmani baset long K500 milien sapos gavman i no yusim mani ausat long baset olsem 2015 Pasifik Gems na ol rot projek long Mosbi siti long K879.3 milien, na i no kisim UBS dinau. Gavman i bekim UBS K204.3 milien long 2014.

Mista Polye i tok long 2014 gavman yusim moa long K16 bilien tasol mani plen bilong kantri i bin K15.14 bilien. Na ol rot gavman yusim bikpela mani em ausat long 2014 mani plen. Em i tok dispela i no helpim ikonomi bilong kantri long gro na kamapim moa mani.

Mista Polye i tok bikpela milien kina gavman i yusim long ol infrastraksa wok i no bihainim rot bilong kontrol, na kos bilong ol wok i dia tumas tasol gavman i save long dispela na bikpela mani i lus long pasin korapsen bilong givim kontrak long ol wantok.

Em i tok planti wok kontrak gavman i mekim long pablik mani i no stap long plen bilong gavman olsem Visin 2050, MTDS, Nesanel Stretejik Plen na Fiskel Streteji olsem na dispela i soim klia olsem pablik mani i lus long pasin korapsen.

Las wik taim gavman i tokaut long 2015 baset na taim Minista bilong Treseri givim baset toktok, ol baset buk i no bin redi.

Oposisen i bin singaut long spika long stopim Mista Pruaitch inap baset buk i redi tasol Minista Pruaitch i go het bihain long spika Theo Zuren-uoc i larim em long toktok.

Oposisen i tok ol i lukluk long putim komplek egensim Minista bilong Treseri, Patrick Pruaitch na Praim Minista O'Neill long tupela i no tok tru long palamen long 2015 baset. Ol oposisen lida i tok rot gavman i mekim baset i no stret na i gat planti asua i stap. Oposisen i tok ol bai toktok wantaim ol loya bilong ol long dispela 2015 baset.

Tasol asde, Praim Minista O'Neill i tok oposisen i wok long giaman na paulim pablik bikos ol i no gat gutpela infomesen wantaim evidens long soim olsem 2015 baset i gat asua.

Sampela gavman minista na ol bekbensa i sapotim O'Neill Dion gavman long 2015 baset bihain long Mista Polye i mekim ol strongpela toktok olsem i gat bikpela asua stap long baset na dua i op long pablik mani bai lus long pasin korapsen.

Julie Soso joinim oposisen

Stanley Nondol i raitim

ISTEN Hailans gavana Julie, i bihainim lida bilong em Don Polye na joinim oposisen. Dispela i kisim namba bilong ol oposisen memba nau i go antap long 8.

Julie Soso em bilong T.H.E Pati bilong Don Polye. Em i jonim oposisen bihain long em i kisim tok orait long famili, na ol pipel bilong Isten Hailans em i makim long palamen.

Misis Soso i tok em i gat rispek long T.H.E Pati na polisi bilong pati. Em tok dispela disisen bilong em long joinim oposisen i no isi, tasol em i mekim long soim ol pipel olsem ol meri i ken mekim hatpela disisen long politiks.

Misis Soso i tok i no gat oposisen o gavman long nem bilong ol pipel. Em i tok olgeta memba long gavman na oposisen i mas wok bung wantaim long givim sevis i go long ol



Mama bilong Isten Hailans na Memba bilong palamen, Julie Soso i joinim oposisen.

pipel bilong Papua Niugini bikos PNG em i Kristen kantri.

Oposisen lida, Belden Namah, Deputi Sam Basil na T.H.E Pati lida Don Polye i tok

welkam long Gavana Soso asde long palamen.

Oposisen lida Belden Namah i tok Gavana Soso i mekim rait disisen long joinim

Nupela Distrik Atoriti CEO i gat pawa

Yakam Kelo i raitim

SIF Eksekutiv Opisa (CEO) bilong ol Distrik Developmen Atoriti (DDA) i gat pawa long sasim na kotim ol polis opisa sapos ol i no mekim gut wok bilong ol insait long ol distrik. Dispela em nupela lo i stap insait long pawa bilong CEO long nupela Distrik Developmen Atoriti gavman i kamapim long dispela wik.

Praim Minista Peter O'Neill i tokaut olsem CEO bilong ol distrik atoriti i gat pawa nau long kotim na ripotim husat polisman long ol distrik na autstesis husat i no mekim gut wok bilong ol o brukim lo we ol ken kisim sas long kot. Tasol em bai mekim ripot i go long Provinsal Polis Komanda (PPC) bilong provins long mekim klia long em na sapos asua i bikpela tumas long kisim polis opisa i go long kot o sapsenim em long wok o givim tok lukaut long em. Wankain tu long olgeta pablik sevan husat bai wok long ol distrik tu bai kam aninit long lukaut bilong CEO olsem ol i stap na mekim wok. Sapos ol i no stap na wok, CEO i ken sapsendim o lusim ol long wok inap Provinsal Edukesen Bod i glasim na skelim sapos ol ken go bek long wok o pinisim tisa long wok bilong em.

Gavman i kamapim Distrik Developmen Atoriti (DDA) long kisim ples bilong Lokal Level Gavman Distrik Plening na Baset Praioriti Komiti (LLGDP&BPC) long dispela wik we bai man i go pas long

Mista O'Neill i tok kamap bilong distrik atoriti em bilong lukim olsem ol wok mas kamap gut na husat opisa i no mekim gut wok bai CEO i mas mekim eksen hariap na no ken wet longpela taim long kisim tok save kam long bikbos bilong polis o dipatmen long provins o long Mosbi.

Praim Minista tok dispela senis em bilong lukim ol wok i mas kamap na ran gut long ol distrik olsem na ol opisa no ken slek slek o lusim wok nabaut na raun nating o go stap nating long taun. Wankain tu bai olgeta skul tisa long ol distrik tu bai kam aninit long lukluk bilong CEO olsem ol i stap na mekim wok. Sapos ol i no stap na wok, CEO i ken sapsendim o lusim ol long wok inap Provinsal Edukesen Bod i glasim na skelim sapos ol ken go bek long wok o pinisim tisa long wok bilong em.

Gavman i kamapim Distrik Developmen Atoriti (DDA) long kisim ples bilong Lokal Level Gavman Distrik Plening na Baset Praioriti Komiti (LLGDP&BPC) long dispela wik we bai man i go pas long

ranim em CEO.

Dispela distrik atoriti i gat pawa long mekim bisnis na mekim mani na lukluk long kamapim ol wok na projek insait long distrik na ol ples ol i stap long en.

Ol Open memba bilong palamen em ol siaman bilong DDA long ilektoret bilong ol na Minista bilong Provinsal na Inta Gavman Rilesens tasol i gat pawa long stopim o sapsendim DDA sapos ol i no wok gut o ripot bilong mani ol i yusim long wok i no stret.

Mista O'Neill i tok CEO em gavman bai makim wankain olsem ol i save makim Distrik Edministreta (DA). Nem tasol i senis go long CEO na em i gat sampela moa pawa olsem long lukautim na glasim ol wok bilong ol polisman, ol pablik sevan, ol tisa na arapela gavman woklain tu long ol distrik.

Gavana bilong Madang Jim Kass i askim sapos dispela pawa bilong CEO ken karamapim tu wok bilong ol helt woka insait long provins olsem em gat long ol arapela. Minista bilong Helt na HIV & AIDS Michael Malabag bai

gavman bikos em i save olsem em i no gutpela long stap long gavman we i giaman planti na brukim planti lo bilong kantri na pasin korapsen i pulap.

T.H.E Pati i gat 14 memba tasol 5- pela i go wantaim Don Polye long oposisen na 8-pela i stap yet long gavman, 4-pela i holim wok minista na 4-pela stap gavman bekbensa.

Ol 8-pela memba i stap long oposisen nau em Belden Namah, Sam Basil, Don Polye, Nixon Mangape, Julie Soso, Allan Marat, Mark Maipakai na James Gau.

Mista Polye i tok em i no bilip long bikpela namba long gavman o oposisen tasol em i gat bilip long gutpela rot bilong ranim kantri na putim ol pipel i pas.

Mista Polye i tok tenkyu long Gavana Soso i joinim oposisen. Em i tok em bai sapotim Gavana Soso long winim sia bilong Isten Hailans Rijonal long 2017 ileksen.

stretim gut ol pepa wok bilong dispela na tokaut bihain.

Planti Gavana bilong ol provins i no bin wanbel long kamap bilong Distrik Developmen Atoriti bikos ol ting dispela bai mekim ol open memba i gat bikpela pawa moa long sait bilong mani, mekim disisen na kontrol long ol opisa insait long provins.

Ol i ting bai pawa bilong ol long lukluk na mekim ol disisen na ol sampela samting insait long ol distrik em ol i lusim nau.

Tasol Minista bilong Pablik Sevis Dokta Puka Temu i tok ol Gavana bai amamas tru long lukim olsem gutpela senis i kamap long ol distrik aninit long dispela nupela atoriti long olgeta distrik.

Ol pablik sevan bai go bek long distrik na wok long hap nau na i no inap raun raun na hangamap raun long ol taun na siti olsem bipo bikos ol bai kisim taim sapos CEO bilong distrik atoriti i sasim ol.

Dispela em wanpela bikpela senis O'Neill na Dion gavman i kamapim insait long 2015 nesanel baset bilong kantri long dispela wik.

Hela no gat gutpela haus kalabus yet

Yakam Kelo i raitim

OL lida bilong Hela provins mas sanap strong wantaim na rausim ol kain kain lain husat i wok long slip insait long haus bilong ol woda lain long Tari taun, Minista bilong Korektiv Sevises na memba bilong Wewak Jim Simatab i tokaut long dispela wik.

Mista Simatab i Hela provins i no gat hap bilong kalabusim ol kalabus lain bikos i no gat haus kalabus na tu i nogat hap bilong ol woda lain bai slip na mekim wok bilong ol.

Mista Simatab i tok wok bilong woda em ol i redi pinis long kamapim long Hela provins tasol dispela hevi i stap long haus slip. Long haus kalabus em ol bai kirapim na stretim gut olpela haus kalabus bin

stap bipo gen bai Hela provins mas gat haus kalabus bilong em stret.

Em askim ol lida bilong Hela provins long sanap wantaim na wok bung na klinim ol dispela hevi we i stap pinis bai em ken salim ol wokman bilong em go long Hela provins.

Nau yet ol holim pinis planti trabel lain bihainim bikpela pait long dispela mun tasol olgeta lain i no gat sel o rum gad bilong lokim ol. Na dispela i kamapim bikpela hevi long ol gutpela manmeri we ol trabel lain ya ken go bek fri long komyuniti gen. Ol woda long Madang i redi long go antap long strongim dispela wok long Hela provins olsem na Mista Simatab i singaut long Gavana bilong Hela wantaim ol open memba bilong em long stretim dispela hevi hariap.

Taim i gat haus kalabus bai i gat wanpela residen Jas bilong Kot haus tu ken raun long hap long harim kot. Sapos no gat haus kalabus bai kot sistem i no inap wok gut long provins, Minista Simatab i tok.

Wankain tu em tok Galp provins wantaim Sentrel provins i gat luksave nau long kisim nupela haus kalabus long neks yia i go.

Long Sentrel provins em ol i stretim pinis Abau haus kalabus pinis na wok i go het yet long pinisim long stat kisim ol kalabus lain go long hap. Long Kerema tu bai ol stret gen olpela haus kalabus bilong bipo we i bin bruk daun pinis na stap.

Long nau yet em ol kalabus lain bilong Kerema na Sentrel provins save kalabus long Bomana haus kalabus long Mosbi.

Gavana Kas kirapim gen Manam Risetelmen Atoriti Ekt



Gavana bilong Madang, Jim Kas i sekan wantaim Sif Seketeri, Sir Manasupe Zurenuoc long kirapim gen Manam Risetelmen Atoriti Ekt tok orait.

Frieda Sila Kana i raitim

GAVANA bilong Madang, Jim Kas i bin kisim wampela deligesen bilong Madang Edministresen na ol lida bilong Manam Ailan i kam long Pot Mosbi long prisenim olpela Ekt bilong Manam Risetelmen Atoriti Ekt.

Dispela Ekt i bin kamap sampela yia i go pinis, tasol i no gat gutpela wok i kamap long en yet. Ol pipel bilong Manam Ailan long Madang Provins i bin kisim taim long hevi bilong maunten paia stat long yia 2005. Ol i bin ranawe long ailan na gavman i kisim ol na putim ol long ol plantesen graun long bikples. Tasol nau em i klostu 10-pela yia ol pipel i stap long ol kea senta long graun bilong ol narapela pipel bilong Bogia Distrik.

Gavana bilong Madang, Jim Kas i tok hevi bilong Manam em i hevi we bai save kaikai bikpela baset bilong Madang Provins yet, sapos nesanel gavman i no kam insait na mekim wampela samting long helpim. Olsem na em i askim Prais Minista long putim gen dispela ekt long kisim tok orait bilong Palamen long kamapim wampela lo long provinsal gavman inap bihainim long helpim ol pipel.

Ol pipel bilong Manam i kisim hevi longpela taim, na moa long tausen manmeri na pikinini dai pinis long dispela hev. Ol papagraun bilong ol kea senta tu i painim hevi wantaim ol pipel bilong Manam. Madang Provinsal Gavman i mekim wok long graun pinis na ol i makim wampela hap long Bogia Distrik yet long ol pipel bilong Manam bai i go sindaun.

Populesen o namba bilong ol pipel i bin stap long mak bilong 10,000 i go 12,000 taim ol i bin ranawe long maunten paia long 2005 tasol nau em i go antap pinis long 15,000 o moa.

Wampela saveman bilong ol maunten paia long Rabaul Obsevetori, Ima Itikarai husat i bin kamap na mekim prisentesen bilong en long wanem kain samting em i stap long dispela maunten paia.

Mista Itakarai i tok maunten paia bilong Manam bai i no inap long stop. Em bai paia lait yet inap narapela 1,000 i go 2,000 yia moa. Em i tok moa olsem gutpela samting long mekim nau em long muvim ol pipel na sindaunim ol long wampela hap longwe long maunten paia. Sapos ol i go bek, bai ol i mas ranawe olgeta taim long taim maunten paia i kirap gen. I gat planti rot long maunten paia bai bagarapim ol ples na kamapim birua long ol pipel.

Maunten paia i ken ran olsem hatpela tais wara, o paia nating na em i ken pundaun olsem bikpela smok bilong paia olsem klaut na karamapim ples.

Mista Kas i bin tok amamas long memba bilong Usino-Bundi na memba bilong Sumkar, Ken Fairweather, na Gavana bilong Milen Be long kam soim sapot bilong ol.

Sif Seketeri, Sir Manasupe Zurenuoc i bin makim Prais Minista. Em i tok olsem hevi bilong Manam em i bringim sem long gavman long wanem, em i liklik hevi tasol na i kisim moa long 10-pela yia long stretim.

Em i tok, long 2009 taim em i bin go wantaim Sir Arnold Amet long lukluk raun long ol kea senta, em i bin lukim olsem ol lida bilong Madang Provins i no stap wanbel long wok bung wantaim bilong stretim dispela hevi.

Em i givim luksave long memba bilong Usino-Bundi na memba bilong Sumkar wantaim tok piksa olsem ol i holim pas dispela "bulmakau long kom bilong em na kilim".

"Yumi luksave olsem gutpela we bilong stretim dispela hevi em long risetelmen tasol!" Mista Zurenuoc i tok.

"Prais Minista em i harim kra i bilong yu, Gavana, na ol pipel bilong Manam, na em i tok orait long putimaut dispela draf ekt i go long bung bilong palamen long mun Februeri 2015. Hevi bilong Madang em i hevi bilong yumi olgeta. Olgeta lain ausait i wok long lukluk long yumi na ol i laik save bai yumi mekim wanem long Manam. Tenpela yia em i bikpela sem long yumi olgeta!" Sir Manasupe i tok.

Gavana Jim Kas i tok em i bin singaut i go long olgeta memba bilong Madang long kamap long dispela kibung tasol tupela tasol i kamap. Ol arapela wantaim memba bilong Bogia i no kamap. Em i tok tenkyu long Prais Minista i salim Sif Seketeri i kam na tu long Gavana bilong Milen Be long kam soim sapot bilong en.

"Baset bilong Madang em hevi bilong Manam bai kaikai yet olsem na mipela i mas stopim pasin bilong sutim tok i go i kam. Em i nupela de na yumi mas painim nupela rot long stretim.

grow. business

"A BSP Smart Business Loan helped my small home operation rise to become a Smarter Business."

Ginia Siaguru
Business Owner of Tapioca Delight

BSP
Smart Business
6013 0123 4567 8910
06/17
Mrs Bank S Pacific

320 1212 / 7030 1212 - 24/7
servicebsp@bsp.com.pg
www.bsp.com.pg

BSP
Proudly supporting PNG and the Pacific

NCDC opim gen Gordons maket

Isaac Liri i raitim

OL lida bilong Nesenel Kapital Distrik (NCD), ol politisen, ol polis manmeri, ol maket manmeri na ol yangpela i bin stap long wanpela bikpela bung long dispela wik long lukim Gordons maket i op gen bihain long bikpela bagarap we i bin kamap long tupela wik i go pinis.

Memba bilong Mosbi Not Is, Labi Amaiu, Gavana bilong NCD, Powes Parkop, bik bos bilong ol polis long NCD, Andy Bawa, na Siti Menesa bilong NCD, Leslie Alu, em ol sampela bikpela lida man husat i bin stap long bung bilong opim gen dispela maket.

Long nupela agrimen bilong dispela maket, Gavana

Parkop i tokim ol manmeri olsem olgeta manmeri husat i save salim ol arapela liklik samting olsem smok na ol arapela samting bai go long Lareva maket long Hohola long mekim bisnis bilong ol.

Em i tok Gordons maket bai salim ol gaden kaikai na abus tasol. Em i tok Gordons bas stop bai stap long Unagi ovol na olgeta bia stua long Gordons maket bai kisim bikpela lukaut long ol polis.

Moa long ol dispela tok-tok, polis bos Andy Bawa i tok ol polis opisa bai raun long Gordons maket i go long Unagi ovol long lukim olsem olgeta samting i orait.

Ol yut lida na ol manmeri bilong maket i bin givim tingting bilong ol tu long dis-

pela bung. Ol i bin tok olsem ol i wanbel long ol lida bilong NCD long givim tok orait long opim gen Gordons maket, long wanem, dispela maket i save helpim ol long mekim mani na sapotim ol famili bilong ol.

Ol yut lida bilong Mosbi Not Is i bin stap na tokim ol lida na polis olsem ol i laik wok bung wantaim ol na kamapim gutpela komyuniti.

Wanpela lida bilong ol i tok ol i bung pinis na ol bai wok strong long daunim ol pasin bilong pik poket nabaut.

Ol yut i bin askim tu ol lida long givim o kamapim planti ektiviti long ilektoret bilong ol. Ol i tok ol gutpela komyuniti ektiviti bai helpim ol long stap longwe long ol pasin no gut.

GG i sainim NMSA Projek



SAINIM MOA LONG K11MILIEN KONTRAK: Jenerel Menesa bilong Nesenel Maritaim Sefti Atoroti Paul Unas wantaim CEO bilong Cardo Emerging Markets na kantri dairekta bilong ADB i sainim kontrak long Gavman Haus las wik. Poto: Gavman Haus Midia

Gavman bai daunim namba bilong poka masin

Yakam Kelo i raitim

PRAIM Minista Peter O'Neill i tokaut olsem gavman bai daunim namba bilong poka masin long kantri i kam daun long neks yia.

Dispela em wanpela eksen bilong gavman long no ken gat planti poka masin tumas long kantri we i wok long bagarapim laip na sindaun bilong planti pipel.

Mista O'Neill i tokim Palamen long dispela wik olsem gavman i bin givimaut 4,000 poka masin long ol operet insait long kantri long putim long ol hotel na bikpela klap tasol. Tasol nau gavman i no amamas long lukim olsem ol opereta i sanapim ol poka masin tu long ol bikpela supa maket we i no bihainim toktok o oda i stap long laisens bilong ol.

Olsem na Mista O'Neill i tok taim laisens

bilong ol dispela opereta i pinis bai ol no inap kisim nupela laisens gen o gavman i no inap rinyuim laisens bilong ol gen. Nesenel Geming Kontrol Bod (NGCB) tasol bai holim laisens na ranim dispela bisnis bilong poka masin insait long kantri.

NGCB em bisnis han bilong gavman we i save go pas long ranim na kontrolim ol laki gem olsem poka masin, hos reis na ol arapela laki gem insait long kantri.

Praim Minista i tok tu olsem gavman bilong em bai no inap long givim laisens long kamapim kasino insait long kantri.

Dispela bisnis em gavman i no inap long luksave long em na givim laisens bikos poka masin i kamapim bikpela hevi pinis long planti manmeri we ol i lusim planti mani pinis.

GAVANA Jenerel na Gren Sif bilong Papua Niugini Sir Michael Ogio, long makim gavman i bin sainim moa long K11 milien kontrak bilong Konsaltensi Sevis long Implementesen na kisim ol Maritaim na Watawei Sefti projek.

Nesenel Eksekutiv Kaunsil (NEC) i givim tok orait long Cardo Emerging Markets Pty Ltd long kamap kontrakta

bilong projek implementesen, i kostim K11, 678, 882.

Nesenel Gavman na Asia Developmen Benk (ADB) i bung na fandim dispela projek.

Jenerel Menesa bilong Nesenel Maritaim Sefti Atoroti Paul Unas i tok dispela projek i bikpela hap bilong Nesenel Maritaim sekta rifom na em i kam aninit long Visen 2050 bilong Gavman na Ne-

senel Trensport Streteji 2013.

Man i makim Cardo Emerging Makets wantaim CEO bilong NMSA, Paul Unas, i bin stap insait long saining seremoni long Gavman Haus long Mande las wik.

Kantri Dairekta bilong ADB, Marcelo Minc i stap insait long seremoni tu.

Wok pepa bilong tripela Luteran misineri i no klia

Yakam Kelo i raitim

TRIPLELA Luteran Misineri husat i wok long Enga provins em gavman na sios i

no klia gut long wok agrimen na kontrak pepa bilong ol, Memba bilong Wapenamanda na Minista bilong Foren Afeas na Tred, Rimbink Pato i tokim Palamen long dispela wik Tunde.

Mista Pato i tok long PNG, yumi save gat kain kain ovasis lain i save kam wok olsem misinari, wok olsem volantia long ol non gavman ogenaesen o wok kontrak long ol bisnis. Olsem na agrimen pepa o kontrak pepa bilong ol i mas klia gut long wok ol kam long mekim. Mista Pato i mekim dispela toktok long bekim askim bilong Gavana bilong NCD, Powes Parkop, long tripela misineri we gavman i laik rausim ol long Enga Provins.

Mista Parkop i askim long wanem as tru na gavmani laik rausim dispela tripela misineri long Enga we em save olsem ol i kam wok misin aninit long Luteran Sios long Wapenamanda distrik long Enga provins.

Mista Parkop i askim tu sapos Mista Pato i gat sampela kain politik tingting no

gut long wok bilong ol tripela ovasis lain ya olsem, na ol i laik rausim ol.

Em tok ol misinari na ol voluntia bilong ol NGO bin mekim planti bikpela wok na gutpela wok long kantri we gavman yet i no save mekim. Tasol Minista Pato i tok taim em I no bin kamap memba yet, ol tripela ovasis lain ya i bin stap na wok na ol bin laik toktok gut wantaim ol long save gut long wok pepa na kontrak ol kam long mekim. Tasol ol no save tokaut o soim dispela.

Mista Pato tok ol i luksave tu olsem i no gat wanpela agrimen pepa namel long sios long Amerika na PNG long ol tripela misineri lain ya olsem na gavman i kam insait nau long stretim na lukim olsem ol mas wok bihainim lo na rul bilong Papua Niugini.

Dispela samting em gavman laikim olgeta ovasis lain husat i kam wok long PNG mas gat klia pepa long wanem wok ol kam na mekim bihainim lo bilong PNG, em i tok.

Noken lus ting ting long baim Wantok Nius pepa bilong yu Tude!!!



Resis bilong raitim pepa long AROB

WANPELA nupela kompetisen bilong rait bai kamap namel long ol sumatin bilong ol sekenderi na hai skul long Atonomas Rijn ov Bogenvil (AROB).

As bilong kamapim dispela kompetisen em long kisim tingting bilong ol yangpela long wanem samting ol i ting long bihain taim bilong rijn bilong ol.

Dispela kompetisen i gat tupela het tok o askim we ol raita bai yusim long raitim pepa bilong ol.

Pasin bilong vot em i orait o no gat?

Ol manmeri bai

mekim wanem samting tru long bihainim gut sistem bilong demokrasi?

Australia Hai Komisen long Papua Niugini i go pas long dispela kompetisen, na ol bai givim wanpela laptop kompyuta long sumatin husat i winim dispela resis.

Ol sumatin husat i laik resis long dispela kompetisen i ken raitim pas na salim i go long Buka opis bilong Australia Hai Komisen. Dispela opis em i stap long Tsirin Motos Bilding long Haku strit long Buka taun.

Ol sumatin i ken salim pas i go long email, o ol i ken karim stret i go

long opis na givim ol opisa long hap. Email em Public-Affairs-Port-Moresby@dfat.gov.au.

Olgeta sumatin husat i gat laik long dispela resis i mas hariap bikos resis bai pas long namba 27 de bilong mun Februari.

Wina bilong dispela resis bai kam aut long mun Mas long neks yia.

Australia Hai Komisina long Papua Niugini, Deborah Stokes, i tok dispela resis i gutpela long ol yangpela bilong AROB long givim tingting bilong ol, long wanem, ol yangpela em ol lida bilong AROB long taim bihain.

MSG Tred Fe kisim gutpela sapot

Esther Bralyn Wani
i raitim

MELANISEN Spiahet Grup (MSG) Tred Fe na Rot so i kisim gutpela mani sapot i kam long sampela bikpela kopret kampani long kantri long go het neks wik.

Digicel PNG i givim K150,000 olsem silva sponza long sapotim Melanisen Spiahet Grup (MSG) Tred Fe na Rot so bai i kamap long Pot

Mosbi stat long Novemba 27 na pinis long de namba 29.

Dairekta bilong Gavman Rilesens, Gary Seddon, i presentim K150,000 mani mak na ol bilas i go long Minista bilong Tred, Komes na Industri, Richard Maru long las wik.

Digicel PNG bai givim fri internet sevis na edvetaismen taim ol lain long ol MSG kantri i kam stap.

Mista Seddon bilong Digi-

cel i tok ol i amamas long sapotim dispela so bikos ol i wokim bisnis bilong ol long ol Melanisen kantri olsem memba Fiji, Vanuatu na long PNG. Ol i wanbel long wok poroman wantaim long sait bilong tred. Em i tok ol i mas groim na developim tred long resis wantaim ovasis maket.

Long wankain taim, Minerel Risos Developmen Kampani (MRDC) i givim K100,000 olsem brons

sponza.

Jenerel Menesa Komesel, Clifford Kasi bilong MRDC i bin givim K100,000 long sapotim dispela MSG Tred Fe na Turisim Promosen Atoroti (TPA) i givim K50,000 i go long Nesenel Gavman.

Mista Kasi i amamas long gavman na Minista Maru long kamap wantaim tingting long kamapim dispela Tred Fe na Rot so. Em i tok moa olsem dispela em i gutpela

sans bilong ol MSG kantri long wok bung wantaim na ol i amamas long sapotim ol.

Ol sponza we i givim ol helpim mani pinis em Britis Ameriken Tobako we i givim K150,000, Vitis Industris i givim K100,000, BSP i givim K100,000, Air Niuginin i givim K100,000, Nesenel Fiseris Atoroti i givim K100,000, K150,000 i kam long Digicel PNG, K100,000 long MRDC, K50,000 long

NDB na K50,000 long TPA.

Minista Maru i tok sampela ol bikman long MSG kantri i kam pinis.

Long ol dispela MSG kantri i kam, Fiji i gat bikpela namba wantaim 40 bikman i kam.

Minista i tok moa olsem dispela agrimen namel long ol MSG kantri i bilong larim ol kampani bilong PNG long tred wantaim ol na inves na ol i no inap baim takis.

Minista i salensim NFA

Esther Bralyn Wani
i raitim

MINISTA bilong Tred, Komes na Industri, Richard Maru i salensim Nesenel Fiseris Autoroti (NFA) long sait bilong tred.

Long wankain taim, Menesing Dairekta bilong NFA, John Kasu i givim K100,000 brons sponza long sapotim Melenesen Spiahet Grup (MSG) Tred Fe na Rot so.

Minista Maru i makim gavman na tok givim bikpela tok tenkyu i go long

NFA.

Em i tok dispela i soim bikpela wok bilong NFA long strongim wok bilong lukautim fiseris sekta insait long PNG na tu, wantaim ol MSG memba kantri.

Em i tok moa olsem ol praivet sekta i mas daunim prais bilong ol na tagetim ol narapela fiseris maket tu. Ol pis o ol narapela kaikai long ol MSG kantri i ken kam insait long kantri bilong yumi na bai no gat sas long en.

Long ol kaikai ol i salim i go long ol MSG kantri na i

kam long PNG i mas no gat takis long stopim tred.

Minista Maru i tokim ol NFA olsem PNG i mas tokim ol narapela kantri long inves long Madang o lusim solwara bilong mipela.

Dispela Tred Fe em i gutpela taim bilong NFA long kamapim netwok wantaim ol MSG kantri husat bai kam, Minista Maru i tok.

Ol bikman bilong NFA i tok ol i laikim moa sapot bilong gavman long PNG i kamap tuna kapitel we i dri-man bilong ol.



Menesing Dairekta bilong NFA, John Kasu (han sut) wanpela bikman bilong NFA (han kais) i givim K100,000 sek i go long Minista Richard Maru (namel) long sapotim MSG Tred Fe.

IPA lonsim namba tri ripot

Joylyne Karato i raitim

INVESTMEN Promosen Atoroti (IPA) i putimaut namba tri ripot bilong em wantaim helpim bilong Oxford Bisnis Group (OBG).

Dispela ripot i bungim tingting bilong IPA, BSP Kapitool, PwC na lo grup, Leahy Lewin Sullivan.

Ol bai mekim dispela ripot olsem buk na givim aut na putim long onlain.

Dispela em i ripot long ol bisnis bilong kantri na praivet sekta husat i kamap namba wan investa long kantri, na kamapim gutpela piksa bilong PNG.

Long taim bilong lonsim o putimaut dispela ripot, kantri dairekta bilong OBG, Majo Rosa i tok PNG i orait long eria bilong ikonomi, tasol i gat planti samting long mekim.

Majo Rosa i tok ol investa i lukluk long yumi long sait bilong bisnis na dispela ripot bai kamap olsem tul we bai helpim ol long developim ikonomi bilong dispela kantri.

Em i tok PNG i mas luksave long intres bilong ol kantri long Esia long eneji na risos bilong yumi we i ken strongim wok bisnis wantaim.

Praim Minista, Peter O' Neill, i amamas na tok tenkyu long ol i kamapim dispela ripot we bai strongim wok bisnis long PNG wantaim ol investa.



Praim Minista, Peter O' Neill



Yumi Stori long PNG LNG

Wantaim Peter Graham, CBE
Manesing Dairekta,
ExxonMobil PNG Limited

Long taim ol prodaksen wok bilong mipela i gohet, wankain taim tu ol investmen bilong mipela long ol komyniti program, na helt kea i stap namba wan yet long ol program.

Mipela i wok bung wantaim ol lokal na intenesenel ogenaisesen, olsem na mipela inap long sapotim wok bilong givim helt kea long Papua Niugini long planti ol projek. Ol dispela projek i karamapim wok bilong stretim gen ol helt klinik, kamapim gutpela awenes long hajjin na senitesen, givim ol medikol saplai, na givim trening na skolasip i go long ol helt woka.

Wanpela wok bung o patnasip, we i mekim wok bilong kamapim gut helt bilong ol mama na pikinini em sapot bilong mipela wantaim Texas Children's Hospital na Baylor College of Medicine, husat i wok wantaim Yunivesiti bilong Papua Niugini (UPNG) na Pot Mosbi Jeneral Hospital (PomGen).

PNG LNG Projek i putim K7.5 milien long lukautim dispela wok bung, we i karamapim tupela dokta husat i gat intenesenel trening na i kam wok nau long Papua Niugini long sapotim School of Medicine and Health Sciences bilong UPNG na PomGen. Ol dokta i stat wok wantu tasol we ol i wok klostu wantaim Nesenel Dipatmen bilong Helt, ol strongpela helt kea woka long PomGen, UNICEF na wantaim ol arapela lain. Ol i mekim akedemik wok long UPNG na ol i kamapim tu wanpela program bilong painimaut, lukautim na raitim ripot bilong stongpela sik malnutrisen namel long ol pikinini long PomGen. Moa long 50 helt kea woka long kantri i bin kisim trening aninit long dispela program, na moa long 200 pikinini i wok long kisim marasin nau aninit long dispela program.

Ol dispela tupela dokta i wok long givim edvais long moa long 24 dokta husat i stadi long kisim namba ol i kolim Masters of Medicine, na tu, ol i wok tisa bilong narapela 65 studen husat i skul long kamap dokta.

Tari haus sik i kisim helpim tu, we i bin gat trening bilong ol helt kea woka, na haus sik i bin kisim masin bilong altrasaun, wanpela masin bilong helpim ol nupela bebi i pulim win gut, wantaim ol inkubeta.

PNG Tribal Foundation em i narapela ogenaisesen ExxonMobil i wok wantaim long Papua Niugini. Wok bung bilong mipela wantaim PNG Tribal Foundation i bin stat long 2012 long taim mipela i wok bung wantaim ol long bringim ol medikol ikwipmen long Amerika i kam long ol haus sik na helt senta long Projek eria. Bihain long dispela, wok bung namel long mipela i kamap strong moa.

Long begin bilong dispela mun, Linda Babao-O'Neill i bin raun i go long Amerika long toktok long First Ladies Luncheon. Dispela bung i save kamap long olgeta yia na wanpela NGO helt ogenaisesen ol i kolim C.U.R.E. i save go pas long en. PNG LNG Projek i givim sapot mani long kamapim dispela Luncheon, ol i bin holim long bungim mani bilong ol helt program long Papua Niugini. ExxonMobil Vais Presiden Meg O'Neill i bin introdusim Ms Babao-O'Neill, na long toktok bilong em, Ms Babao O'Neill i tok kliia watpo i mas gat sapot bilong sastenabel helt kea program long Papua Niugini.

Dispela i namba wan taim tru long meri bilong wanpela Praim Minista bilong Papua Niugini long raun i go long Amerika long sapotim dispela bikpela fan resing bilong helpim Papua Niugini long wanem samting kantri i sot long en. Ms Babao-O'Neill i bin mekim gut tru long makim Papua Niugini long dispela bung we moa long 1,600 pipel i bin stap long en.

Dispela bung i no bin kamapim mani tasol - moa long K3.5 milien - em i kamapim tu awenes long bikpela nid bilong helt kea na ol medikol saplai na ikwipmen bilong sevim faip long ol haus sik na helt senta long Papua Niugini.

Mi laik tok amamas long Projek C.U.R.E., PNG Tribal Foundation, ol wokmanmeri na ol volentia husat i bin go pas long dispela bikpela bung. Ol kain wok bung olsem bai inap helpim long kamapim sastenabel na bikpela senis long helt bilong o pipel long Papua Niugini.

Gutpela de.

Mi laik harim tingting bilong yu, na sapos i gat sampela arapela samting yu laik ritim long dispela kolum, orait salim email i kam long pnglngproject@exxonmobil.com o lukim website bilong mipela long www.pnglng.com

Wol Visen na EU sapatim wok bilong vailens egensim ol meri

Joylyne Karato i raitim

WOL Visen na Yuropien Yuni- nien i bin opim wanpela projek long soim piksa bilong ol meri husat i kisim bagarap na stap wantaim hevi.

Dispela projek bilong soim piksa bai helpim ol man long no ken paitim meri bilong o, l na long kamapim gutpela sin-

daun long komyuniti.

Minista bilong Komyuniti Divilopmen, Yut na Rilijen, Delilah Gore, i makim maus bilong Praim Minista bilong PNG na i bin opim projek long dispela wik Mande.

Misis Gore i tok olsem gava- man bilong yumi i kamapim wanpela lo olsem Famili Pro- teksten Ekt we bai helpim wok bilong Wol Visen.

Em i tok i gat tripela asting- ing i stap long dispela lo we bai helpim husat i kisim bagarap, sapatim ol meri long wokim bisnis na strongim ol long kamap lida bilong kantri.

Misis Gore i tok pasin bi- long bagarapim meri i kamap bikpela tru nau na yumi mas save long ol rot bilong glasim na kamapim ol gutpela pro- gram we i ken helpim ol meri.

Hai Komisina bilong Aus- tralia, Deborah Stokes i tok em i gutpela long gavman i kamapim dispela fri eduke- sen polisi we planti meri bai go long skul, na ol i ken wok na helpim long daunim dis- pela hevi ol i bungim.

Ol i putimaut tu wanpela buk ol i kolim "Crying Meri" we wanpela wina bilong man husat i go pas long kisim

piksa bilong ol meri husat i bungim dispela hevi i bin raitim.

Namel long ol lain husat i bin stap long dispela bung, wanpela meri husat i bungim hevi na kisim bagarap i tokaut long ol bikman na meri long luksave long hevi ol meri i save bungim na i mas painim rot bilong daunim dispela hevi.

OGP bai go pas long wanpela woksop

OPEN Gavman Patnasip (OGP) bai go pas long wanpela woksop long tu- pela de long Mosbi.

Ol bikman bilong Indone- sia, Esia Divilopmen Benk na Fod Faundesen, husat i sponsa kampani, bai tokaut long posisen we PNG i stap long em.

Long dispela kibung bai ol i ken mekim klia eria we ol i painimaut taim PNG i mekim wok wantaim OGP na gavman i nit long save long en.

Bihain long dispela wok- sop, PNG inap painim in- fomesen, ol ripot long aset na tu long helpim ol man na meri long wok bung wan- taim gavman.

Dispela woksop i bin kamap wantaim 8-pela kantri long yia 2011 tasol nau, planti nupela kantri i kam joinim na namba 1 go antap long 65.

Ol dispela kantri i bung wantaim na strongim ol si- tisen long wok wantaim long daunim pasin ko- rapsen long kantri, na pro- motim wok bilong gavman long kamapim trenparensi.

OGP bai lukluk long givim fainensel na menesmen trening i go long olgeta gav- man na praivet sekta husat i kisim dispela program.

Dispela woksop bai kli- aim na givim save long ol man nating long luksave long OGP na wanem ol gutpela kaikai em i ken kamapim

Em bai helpim ol long sapatim netwok bilong ol man na meri wantaim (OGP) na luksave long ol Esia kantri husat i go pas long sapatim dispela wok (OGP) i mekim long hia.

Gavman ejensi, praivet sekta na tu ol man nating i gat sanis long lukim na save gut long namba One Nesenel Eksen Plen wok- sop bilong Open Gavman Patnasip (OGP) bilong Papua Nugini.



Komyuniti Divilopmen, Yut na Rilijen Minista Delilah Gore i sanap wantaim ol bik manmeri bilong Wol Visen, em na Hai Komisina bilong Australia long taim ol lonsim projek bilong soim piksa long Palamen. Poto Joylyne Karato

GG sainim nupela agrimen bilong Ok Tedi main

GREN Sif Sir Michael Ogio, Gavana Jenerel bilong Papua Niugini i makim kantri na sainim Ok Tedi Main Extension- Eleventh Supplemental Agreement (OTMESA).

Dispela agrimen bai sapatim wok bilong Com- munity Mine Continuation Agreement (CMCA).

CMCA em fainel na boda agrimen we bai lukim kom- pensesen na benefit i go long gavman, Mineral Risos

namba 2 Limitet, na Ok Tedi Main Limitet.

Gavana bilong Westen provins, Ati Wobiro, i bin stap tu long makim Mineral Risos namba 2 Limitet na sainim dispela agrimen.

Ol arapela bikman husat i bin stap long lukim kamap bilong OTMESA em Seke- teri bilong Dipatmen ov Tre- seri, Dairi Vele, na Edministreta bilong Westen Provins, Dokta Modowa Gumoi.



(L-R) Edministreta bilong Westen Provins, Dokta Modowa Gumoi, Seketeri Dairi Vele, Gavana Jenerel Gren Sif Sir Michael Ogio, na Gavana bilong Westen Provins, Ati Wobiro.

Nupela Trening Fesiliti long APTC i op

HAI Komisina bilong Aus- tralia, Deborah Stokes, i bin opim Hospitaliti Trening Fesiliti (HTF) bilong Australia Pasi- fik Teknikel Kolis (APTC), long Pot Mosbi.

Dispela nupela HTF bilong APTC bai givim sans long planti meri na man long kisim trening long level bilong ol Australia long komesel kuk- eri, komesel ketering, bekeri

na hospitaliti wok.

Dispela fesiliti i op long rait taim bikos ol nupela hotel i wok long kamap long Pot Mosbi, na tu bai gat ol bung olsem, APEC bai kamap long 2018. Na tu, PNG em i ples we ol turis i save laik kam raun long en.

APTC em i bikpela inves- men bilong Australia gavman insait long Teknikel na Voke-

senel Edukesen Trening (TVET) long Pasifik.

Em i wanpela tingting praim minista bilong Australia bipo John Howard i bin tok aut na ol Pasifik lida i bin wanbel long Pasifik Ailan Forum long Oktoba 2006.

APTC i bin kamap long 2007 long givim trening long ol Pasifik pipel long gat skil na save long level bilong Aus-

tralia. Moa long dispela, APTC i gat kempas long Pot Mosbi na ol narapela ples olsem Fiji, Samoa, Vanuatu na Solomon Ailan.

ATPC i ofaiim ol vokesenel kos olsem Hospitaliti, Komyu- niti Sevis, Tred na Teknoloji, na Trening na Asesmen.

Inap long 2007, ol 1,501 Papua Niugini (403 meri na 1, 098 man) i bin greduet long

ATPC long Pot Mosbi na Pasifik.

PNG i kisim bikpela helpim long ol risos tasol risos olsem ol man na meri bai givim moa helpim long kain taim olsem. PNG i no bin lukim ol bikpela sans i bin kamap long ol wol klas risos projek na dispela i wokim bikpela diman long givim trening long ol woklain.

APTC em i bikpela hap we

Australia i helpim long kamapim gutpela skil woklain long PNG.

Ol indastri i save salim ol woklain bilong ol i kam givim trening wantaim APTC.

Ol APTC sumatin i kisim save bilong Australia na PNG wantaim long go het long ol sans long wok insait long kantri na long ol narapela kantri tu.

Selebretim de bilong Pikinini

Esther Bralyn Wani i raitim

YUNAITED Nesens Fan bilong ol pikinini (UNICEF) i wok bung wantaim gavman long selebretim De bilong Pikinini long las wik Fonde Long Yunivesiti bilong Papua Niugini forum eria.

Konvensen bilong Rait bilong ol Pikinini i bin kamap long 20 Novemba 1979 taim ol pikinini i bin bungim hevi we ol bin dai taim ol i bebi, no gat inap helt ke, na liklik sans long skul. Moa long dispela, ol pikinini i bin kisim bikpela bagarap.

Long dispela, wol i bin wokim bikpela promis long ol pikinini 25 krismas i go pinis olsem ol bai promotim na protektim o lukautim ol rait bilong ol, man i makim UNICEF, Baba Danbappa i tok long seremoni.

Mista Danbappa i amamas long tok olsem long Papua Niugini ol i wok gut long raits bilong ol pikinini insait long 23 krismas taim PNG i sainim agrimen long Mas 1993. Em i givim tok piksa long edukesen olsem



Ol Yunivesiti Pri skul sumatin bilong i kam stap insait long amamas long de bilong ol pikinini.

namba bilong ol pikinini i stap long praimeri skul i dabol long 433,000 long 1992 i go long 900,000 long 2012.

Tasol em i tok moa olsem moa long haf milien pikinini we i

gat inap krismas bilong go long skul i stap ausait yet. Long wankain taim, olsem 75 pesen bilong ol pikinini em ol i paitim ol na 80 pesen ol i save tok no gutim ol.

Bikpela senis i bin go het long dispela 23 krismas. Long amamas long dispela de, sampela ol skul i bin kam stap wantaim ol pikinini long Chesire Homes long Gordons.

Dyson wokim awenes long ol meri

EMBASI bilong Amerika (USA) bai karimaut wanpela awenes bilong ol yangpela meri long Novemba 11, 2014 i go inap long de namba 29.

Dokta Jeri Dyson em ges spika husat i go pas long strongim ol meri bai toktok long sampela samting we em i painimaut long risets bilong em.

Em i wanpela savemeri we i save raun long olgeta hap long wol na tu em i save toktok long

Blek Entateinmen TV (BET) long sait bilong helt.

Em i gat as tingting stap i we em bai helpim ol yangpela long kamapim gutpela laip long olgeta eria olsem helt, pisikel, mental na spiritual sait.

Dispela bai helpim ol meri long sanap strong na no ken lukluk daun long ol yet olsem meri taim wanpela hevi i bungim ol.

Ms Dyson bai givim gutpela tingting we bai helpim ol yang-

pela meri long mekim gutpela sois o disisen long stap amamas long bihain taim.

Dispela em bai helpim yangpela meri bilong Papua Niguini long save gut long we bilong stap amamas taim wari sik na hevi i bungim ol.

Dyson bai toktok wantaim ol kainkain yut grup olsem ol wok meri bilong helt na tu ol meri nating, long givim save na eksperiens bilong em.



Dokta Jeri Dyson

Ol PNG i kisim Australia Award

SAMTING olsem 154 lain Papua Niugini manmeri i kisim Australia Awod skolasip bai gat sans long go stadi long Australia neks yia, 2015.

Long 154 pipel, 85 em ol meri na 69 em ol man. Ol i kam long ol narapela provins long bung long Pot Mosbi long redi long go long Australia.

Australia High Komisina long PNG, Deborah Stokes i tok Australia Award i makim hatwok, sakrifais na komitmen bilong wanpela i bung inap long planti yia.

Mis Stokes i tok edukesen i save givim planti sans.

Em i tok PNG i nidim olgeta lain i gat save na i ken stap insait long ol wok bilong developim kantri.

Long ol pipel i kisim Australia Award long 2015, moa long 50 pesen em ol meri.



LUKSAVE LONG DE BILONG OL PIKININI: Ol Chesire Homs lain i danis na wokabaut i go wantaim sampela disebol pikinini long opim selebrensen. Foto: Esther Bradlyn Wani



Yut, Meri na Femili
Pastor
Barbara Lunge

Hevi save helpim yumi long kamap gutpela

PASIN bilong lusim rong bilong narapela i save bringim blesing bilong Bikpela long laip bilong yumi olsem yumi bin ritim long las wik. Nau dispela wik yumi lukim gutpela samting i kamap long gavman bilong Papua Niugini bikos ol lida bilong yumi bin tanim bel na i tok sori long God long sampela yia i go pinis. Na dispela yia long Ogas 26, wankain olsem long yia 2013, Gavman bilong yumi i go pas tru long tok sori long Bikpela long ol pasin bilong lotu long god giaman na long bagarapim sindaun bilong ol pipel.

Nau gavman bilong yumi i autim wanpela gutpela baset bilong helpim olgeta pipel long ol ples na ol sios tu i gat mani long mekim wok bilong developmen. Yumi bai amamas tasol yumi mas oltaim tingting long pasin bilong tanim bel na askim God long lusim rong bilong yumi na bai God i save marimari yet long yumi. Olsem buk bilong Sekaraia i tok; Na bai mi traime dispela hap i stap yet na mekim ol i kamap klin, olsem ol i putim silva na gol long paia bilong rausim pipia. Na bai ol i prea long mi na bai mi harim prea bilong ol. Na bai mi tokim ol olsem, 'Yupela i man meri bilong mi,' na bai ol i tok, 'Yu God, Bikpela bilong mipela', Sekaraia 13:9

"Tasol God i save long olgeta wokabaut bilong mi. Na sapos em i traime mi, bai em i lukim mi i kamap gutpela tru olsem gol." Job 23:10

Taim bilong hevi i save klinim yu olsem ol i save klinim gol long paia. Sampela taim God i save larim ol hevi i kamap long yumi long em i soim olsem wantaim strong bilong em, yumi inap long winim olgeta kain hevi na tokaut olsem em i stap Bikpela yet.

Aisaia 45:14 Bikpela i tok olsem, "Olgeta mani samting bilong kantri isip na bilong kantri Sudan bai i bilong yupela ol israel. Na ol birua bai i kalabusim ol longpela man bilong kantri Seba na slim ol i kam long yupela, na bai ol i kamap wokboi nating bilong yupela. Na bai ol i brukim skru long yupela na tokaut olsem, "Tru tumas, God i stap wantaim yupela. Em i wanpela tasol i God tru, na i no gat narapela god moa i stap."

Ol gutpela samting bilong ol pikinini bilong God nau i stap long pawa bilong satan bai senis na i kam bek. Papua Niugini mas redi nau long bikpela senis bai kamap long sindaun na laip bilong yu. Tasol ol Kristen i mas stap aninit long Tok bilong God oltaim long dispela blesing na gutpela taim baim i karim kaikai longpela taim bihain.

Lo 10:12 Moses i tok moa olsem, "Nau yupela ol israel, harim gut wanem ol samting God, Bikpela bilong yumi, i tok yupela i mas mekim. Yupela i mas aninit long God, na bihainim olgeta lo bilong em."

Toksave: Ol mama i gat wari, tingting planti, bel hevi yu mas ringim mi na bai mi helpim yu. Raitim pas long dispela adres na fon namba. Barbara Lunge, ROGIM, P.O. Box 3063. Boroko. NCD. PNG, o ring long 70995378 o salim email long: lungeb37@gmail.com

O'Neill gavman oraitim Luteran yunivesiti

Yakam Kelo i raitim

NESENEL Palamen i oraitim lo pinis long asde long kamapim Luteran Yunivesiti insait long kantri we Minista bilong Haia Edukesen Malakai Tabar i go pas long en.

Dispela lo bilong kamapim Luteran Yunivesti i bin go insait long tripela riding olgeta long mekim em i kamap olsem lo bilong palamen bai olgeta pepa bilong em ken go long nesanel gaset na stap insait long lukaut bilong gavman long olgeta yia long sait bilong baset.

Dispela em olpela bil bilong palamen we i bin kamap bipo long 2012 na i stap inap nau Minista bilong Haia Edukesen i kisim sapot nau long kamapim we em gat baset na sapot bilong nesanel gav-

man long dispela wik.

Namba bilong ol memba long floa bilong palamen long Trinde aste i sanap olsem 74 olgeta taim ol bin kamapim vot long ol arapela bil pastaim na taim dispela bil bilong Luteran Yunivesti bin kamap, olgeta memba i sapotim. Dispela i soim olgeta no gat memba i egen-sim.

Ripot bin kamap bipo olsem Martin Luther Seminari long Lae bai kamap olsem Luteran Yunivesti na ol bin mekim planti pepa wok na ol wok redi pinis long en aninit long olpela gavman bilong Somare.

Praim Minista Peter O'Neill i soim amamas bilong em long Minista Tabar long kamapim dispela bil bilong Luteran Yunivesiti olsem nau gavman bilong em i mekim dispela i karim kaikai nau.

Ol sios na NID i wok bung long projek

I GAT wok patna namel long Nesanel Aidentiti Projek na ol sios insait long kantri long mekim ol wok awenes long ol wan wan sios.

Nesanel Stetistisen na Projek Dairekta, Roko Koloma i tok em i amamas long lukim olsem ol wan wan sios long kantri i laik skruim wok awenes long ol sios memba bilong ol long Nesanel Aidentiti Projek (NIP).

Em i autim tok amamas bilong em i go aut bihain planti bilong ol i bin kamap long bung we bin singautim long bung wantaim ol sios na NIP.

Namel long ol senia sios lida i bin kamap long Nesanel Stetistikel Opis (NSO) long bung em Siaman bilong Ministas Frateniti Siaman, Pato Joseph Walters, Jenerel Seketeri bilong Konprens bilong ol Katolik Bisop, Pater Vctor Roche, Nesanel Presiden bilong Baptis

Yunien, Reveren Martin Wayne, Siaman bilong PNG Kaunsel ov Sios, Pater Denny Guka na pastaim Modereta bilong Yunaitet Sios, Reveren Samson Lowa.

"Mi singautim dispela bung bikos mi laik bai mipela i bung na serim tingting na rot we dispela projek i ken go het, moa yet, long karimaut awenes long dispela projek long ol wan wan sios. Mi save olsem ol sios i ken givim bikpela helpim na kamapim senis bikos ol i stap wantaim ol pipel," Mista Koloma i tok.

Em i tok i bin gat planti paul tingting na giaman toktok long dispela projek na tu, ol arapela gavman projek olsem dispela we i laik kamapim ol aidentiti.

Em i tokim ol sios lida olsem sampela ol Kristen brata na susa i tok long 666 o mak bilong satan o nupela wol oda.

Em i tok tru, dispela ol toktok i kamap, tasol mipela i laik wok bung wantaim PNG Kaunsel bilong ol Sios (PNGCC) na ol arapela sios grup long toktok na kisim tingting long ol giaman toktok i ken stap yet insait long ol komyuniti.

Em i tok dispela bung i givim ol sans long wokim ol askim long ol samting ol i no kliia long en na ripot long ol wok go het long dispela projek.

"Mi amamas long ol gutpela diskasen o toktok mipela i gat long dispela wik we ol lida i askim long kisim moa infomesen na pepa i gat ol awenes toktok na ol i ken givim long ol kongrigesen memba bilong ol.

"Ol i askim tu long stap insait long rejstresen na awenes tim i go long ol provins we bai stat long neks yia.

Nupela buk bilong Katolik misinari i kamap

WANPELA nupela buk i kamap we i stori long wok na laip bilong wanpela Katolik bruder.

Ol i kolim dispela buk, "Moments of Truth"na raita em Bruder Barry Louisson husat i wok misinari long PNG long 62 kris-mas.

Buk ya i gat 250 pes na Moore Printing long Kokopo, Is Nu Briten Provins i pablisim long dispea yia olsem invesmen long ol pipel bilong PNG husat bruder ya i bin stap na wok wantaim stat yet long yia 1952.

Stail na ol samting we Bruder Barry i rait long ol em ol pipel bilong dispela kantri bai

luksave na laikim bikos yumi em ol lain bilong stori.

Tingting bilong sampela lain husat i bin helpim long stretim dispela buk em, "ol lain husat i bin skul aninit long ol Bruder bai laik ritim dispela buk, moa yet ol eks studen bikos i gat pesenel na historik intres. Tu, long spirituel sait, em bai strongim yu taim long wankain taim, em i no rilijes tumas.

"Katolik, yes, tasol i gutpela long ol nara-pela sios long ritim dispela buk."

Long pablisim dispela buk, raita na ol pablisa i bin mekim buk long we bai ol man meri nating i ken baim buk na ritim.

Bruder Barry i autim bikpela tok tenkyu i go long Moore Printing long helpim em i kamapim dispela buk, na bikpela sapot i kam long Vunakanau Bratas komyuniti.

Praia bilong wanpela buk em K20 long PNG na AUD\$10 long ol narapela kantri.

Sapos yu laikim moa infomesen o yu laik baim buk, kontekim ol dispela:

Christian Brothers, Vunakanau, P O Box 2510, Rabaul, ENBP 611, Papua New Guinea. Telephone (+675)9837022 o email barry.vuvu@gmail.com

Raita Bruder Barry Louisson



Ol Ikonmik polisi kos greduet kisim salens

Veronica Hatutasi i raitim

SALENS i go long 42 manmeri i bin greduet long Ikonmik Polisi Analisis kos long go aut na skulim na mekim kliia long pablik ol samting ol i lainim long en.

Dairekta bilong Nesanel Risets Institut (NRI), Dokta Thomas Webster, i bin tok olsem long greduesen seremoni bilong 42 man na meri i bin pinisim 6-pela wik skul long Ikonmik Polisi Analisis (EPAC) kos long NRI sotpela taim i go pinis.

Plantil pipel long dispela kantri i no save kliia gut long ol samting i karamapim ol sait bilong ikonomi o wok mani, ol sosel isu na ol narapela samting long laip na sindaun bilong yumi wan wan.

Olsem na i mas gat ol lain i save na kliia gut long ol samting na ol i ken givim ol rait infomesen i go aut long pablik.

Long skruim dispela wok, mak long 42 manmeri i bin greduet na kisim diploma setifiket long Nesanel Risets Institut (NRI) bihain ol i kisim 6-pela wik kos long NRI long Pot Mosbi.

Dispela kos i bilong helpim ol manmeri i kliia long ol polisi o rul o lo long givim stia na long dispela kos, ol lain i bin lainim ol samting long ikonmik polisi eria na ol i ken



NRI KOS MIDIA GREDUET: Dispela em sampela long ol nius manmeri long Mosbi i bin greduet long Ikonmik Analisis Polisi kos. *Poto: Veronica Hatutasi*

kliia na yusim long ol wan wan wokples bilong ol.

Mak long 29 senia pablik sevan i gat long em ol loya, ikonomis, akaunten, na 13 nius ripota i bin sindaun long kos long NRI we ol leksera bilong NRI yet, ol PRD Konsalten Limitet na ol arapela bikman i bin givim skul long ol.

Dipatmen ov Foren Afeas na Tred bilong Australia (DFAT) i bin

sponsaim dispela 13 nius manmeri long wokim 6-pela wik kos, taim ol narapela i bin aplai long ol pablik edvatismen.

Kodineta bilong Ikonmik Polisi Analisis Kos (EPAC), Dokta Agogo Mawuli i tok dispela kos bai helpim ol midel level administreta na menesmen woklain long pablik na praivet sekta we wok bilong ol em long glasim ol pablik polisi na

wanem ol gutpela na no gut bilong ol long nesanel developmen.

Dokta Mawuli i bin tok as tingting long kisim ol nius manmeri long dispela kos em long helpim ol i kliia gut long ol samting na ol i ken raitim ol nius ripot long olgeta eria bilong nesen bilding na developmen na moa yet, fokas long gro bilong ikonomi, na sapos em i wok long helpim gut ol pipel long dispela kantri.

"Mipela i bilip olsem ol nius manmeri husat i greduet i gat moa save na moa kliia nau long ol developmen na polisi isu bilong PNG gavman, na ol i ripotim gut ol developmen isu," Dokta Mawuli i bin tok.

Long wankain taim, Dairekta bilong NRI, Dokta Thomas Webster, i bin tok tenkyu i go long gavman bilong Australia long sponsaim klas bilong media o nius manmeri long sindaun long dispela kos.

Em i bin tok kos bai helpim ol bikpela manmeri i kam long ol wan wan eria bilong wok long pablik na praivet sekta na ol i gat intres long ol gavman pablik polisi.

NRI i bin statim dispela kos long yia 1989 na long ol dispela yia, ol

lain i bin greduet long dispela EPAC kos i mekim gut na kisim ol bikpela menesmen posisen long pablik na praivet sekta.

Long makim ol lain i greduet, Emmanuel Xavier bilong Galp Provinsel gavman i bin tok tenkyu long Dokta Mawuli, Dokta Webster na ol lain leksera long givim ol save long dispela kos.

Em bin tok kos bai helpim em gut tru long wok bilong em na ol arapela loya, ikonomis na nius manmeri i bin sindaun log kos.

Mathew Vari i bin makim ol nius ripota husat i bin sindaun long kos na tok dispela kos i helpim ol stret long kliia gut na luksave olsem em i bikpela samting long skruim tingting long sait bilong ikonmik.

Em bin tok bihain long kos, em i luksave olsem ikonmik i no mani tasol, nogat.

"Ikonomi i no long sait bilong mani tasol, nogat. Em i bilong ol sois yumi mekim olsem tingim ol ikonmik kos, gutpela polisi na ol samting olsem," Mista Vari i bin tok.

Em i bin tok ol nius manmeri i save givim infomesen i go aut long pablik, tasol planti i no gat gutpela save o kliia gut long ol samting i karamapim ikonomi.

Olsem na dispela kos bai helpim gut ol nius manmeri long wok bilong ol.

Strongim pasin bilong soim rispek long ol manmeri long ol pablik eria

Ol pipel bilong Papua Niugini i save harim kain kain stori nogut bilong Gordens maket long Mosbi. I save gat ripot bilong ol pikpoket, pulim bilum bilong ol mama, spakman i pretim ol meri na pikinini, sutim man long naip na ol arapela pasin nogut.


Tupela wik i go pinis, trabelman i bin sutim wanpela yangpela polisman na em i dai. Ol polis i belhat long dispela pasin na ol i pasim maket inap tupela wik olgeta. Ol lida na ol lain husat i stap long Gordons i sapatim dispela tingting na ol i askim long pasim dispela maket na movim i go long narapela hap.

Ol manmeri husat i save salim ol gaden kaikai na ol biklain bilong infomal sekta i bin kisim taim stret bikos Gordens maket i olsem gaden bilong ol. Ol i kisim mani long en na lukautim famili. Ol plisman i stopim ol PMV tu long yusim bas stop long maket na dispela i givim bikipela het pen tru long ol pablik. Ol wokmanmeri na skul pikinini i mas wokabout i go longwe long painim PMV.

Long dispela wik, Gavana bilong NCD i opim maket gen. Em i givim strongpela toktok long ol lain i yusim maket i mas soim rispek long ol narapela manmeri na lukautim maket.

Em i askim ol long bihainim lo na oda long ol pablik ples olsem maket na i no ken karim birua pasin i kam na bagarapim ol narapela manmeri. Bai i gat moa polis i raun na was long maket. Ol lain bilong salim ol gaden kaikai na abus na pis tasol bai yusim dispela maket.

Nogat rispek, komyuniti bagarap..



Tasol ol dispela promis i bilong sotpela taim tasol. Long taim ol polis i stop long patrol raun long maket, bai wankain bikhet pasin bilong ol trabelman i kamap gen long Gordons maket. Tingting bilong ol pipel i no klia yet olsem PNG klostu bai abrusim yia 2014 na i wanpela moden kantri long wol tude na Mosbi siti na ol pipel i mas senis tu.

Tude long planti taun long PNG yumi harim wankain stori olsem i wok long kamap oltaim. Trabel i kamap long ol pablik ples olsem

maket na bas stop na man o meri o pikinini i dai.

Birua pasin i kamap strong gen na yumi givim baksait long Kristen bilip na pasin bilong kilim nating man i kamap 'nomal'. I no gat moa rispek long ol narapela manmeri na pikinini. I luk olsem yumi go bek long pasin bilong 'wokim long laik' na 'strong bilong wan wan man'.

I gat kain kain manmeri bilong olgeta provins na kantri i stap nau long ol siti na taun. Sampela i gat wok sampela i raun nating.

Populesen bilong ol taun na siti

i wok long gro hariap tru tasol ol arapela sevis i no gro tumas. Ol kain pablik ples olsem maket i liklik tumas na i no gat inap spes bilong olgeta manmeri husat i laik yusim. Ol PMV i no gat gutpela bas stop na taim tebol bilong ran bilong ol.

Ol teksi i raun nabaut long laik, i no gat mita long ol. Ol rot i liklik tumas na i no inap long bikipela namba bilong ol kar. I no gat gutpela hap we ol liklik banana bot o kanu i ken kam sua na lusim ol pasindia na kago bilong ol. Na i

gat planti samting moa ol siti na taun i sot long en. Dispela tu i wanpela as bilong ol hevi i save kamap long ol taun bilong yumi. I no gat gutpela plen bilong stiaim wanem kain developmen bai kamap long bihain taim olsem na i no gat kontrol long ol pipel tu. Ol i wokim samting long laik na i no bisi long narapela manmeri.

Sapos yumi laik lukim Mosbi i kamap wanpela seif siti we ol pipel i fri long raun i go long wanem hap ol i laik go long en, orait yumi mas senisim pasin bilong yumi.

I mas gat rispek long rait bilong narapela manmeri. Yumi yusim gut het na tingting long bosim laip bilong yumi, maski long raun raun nating long siti na painim pipia kaikai na bagarapim laip bilong ol narapela manmeri.

Yumi olgeta i gat wankain rait long sindaun gut long komyuniti bilong yumi. Yumi olgeta i gat tok ples na pasin na kalsa bilong yumi, tasol nau i gat lo bilong gavman i bosim sindaun bilong yumi. Yumi no stap moa long tudak olsem ol tumbuna. Sapos i gat kros i kamap, lo bilong gavman i stap long stretim.

Pasin bilong sindaun gut wantaim ol arapela manmeri bai kamap sapos yumi wan wan i skulim ol pikinini long stretpela pasin na yumi yet i soim gutpela eksampel long ol arapela. Laip bilong narapela manmeri i no stap long han bilong yumi.

God papa i givim laip long yumi na em yet bai kisim bek dispela laip. Olsem na long dispela sotpela taim yumi stap long graun, yumi mas soim rispek long ol narapela manmeri na yusim gut ol blesing em i givim yumi olgeta long helpim sindaun bilong yumi.

DDA gat moa pawa long LLG

Palamen i kamapim wanpela nupela bisnis bilong gavman ol kolim Distrik Developmen Atoriti (DDA) insait long olgeta 89 ilektoret long kantri. Dispela Distrik Developmen Atoriti bai go pas long olgeta menesmen na ran bilong ol wok insait long wan wan distrik olsem mekim ol wok projek na developmen, mekim mani na givim sevis i go long ol pipel.

Praim Minista Peter O'Neill i go pas long kamapim dispela lejislesen we i givim laip long kamap bilong Distrik Developmen Atoriti insait long kantri long dispela wik Tunde long haus palamen. Ol memba bin vot na 66 memba bilong palamen i bin sapatim dispela lejislesen long kamap na 18 i egensim.

Ol lain bin egensim em ol Gavana bilong ol provins na ol memba bilong Oposisen bikos ol tok dispela Distrik Developmen Atoriti nau bai kisim olgeta pawa bilong mani na ol Open memba bai kamap pawaful stret long pawa na disisen bikos ol bai siaman bilong dispela atoriti.



Dispela tu i mekim ol gavana i lukim olsem ol no inap gat pawa long mekim wanpela disisen o kamapim wanpela samting moa long ol distrik bikos atoriti bai go pas long olgeta bisnis bilong distrik. Minista bilong Provinsal Afeas na Inta Gavman Rilesen tasol bai gat pawa long kontrolim na stopim wok bilong atoriti sapos ol no mekim gut wok o ripot bilong mani i no kamap gut o i bagarap.

Ol Gavana i ting olsem ol Lokal Level Gavman Kaunsil tu bai no gat wok na pawa bilong ol moa na ol bai i no inap intres long kamap long kaunsil bung o ol presiden bai no inap wok gut wantaim ol Gavana bilong ol.

Gavman i sanap strong olsem dispela Distrik Developmen Atoriti bai pulim ol saveman bilong wok go bek long ol distrik level na ol bai

ranim dispela nupela bisnis long kirapim na bringim sevis na developmen go daun long ol ples.

Dispela atoriti nau i luk olsem em bai rausim o kisim ples bilong Distrik Plening na Baset Praioriti Komiti insait long olgeta distrik we i mekim wok bilong ol presiden na kaunsil menesa na husat kaunsil i no gat luksave moa.

Long dispela wik ol kaunsil presiden bilong Morobe provins i mekim bikipela singaut go long O'Neill na Dion gavman long luksave long wok bilong ol kaunsil presiden na givim gut baset bilong ol long dispela 2015 baset. Nau yet em gavman i daunim baset bilong ol kaunsil presiden go daun long K400,000.

Ol kaunsil presiden i tok ol i save wokim o stretim gut ol klinik, haus bilong ol tisa na haus sik woka, stretim ol wara saplai na ol liklik han rot, stretim gut ol bris na planti wok we ol i save mekim insait long distrik level.

I luk olsem bai dispela Distrik Developmen Atoriti bai senisim na kisim ples bilong ol kaunsil bikos em bai i gat olgeta mani na pawa bilong

mekim wok aninit long siaman bilong memba na kontrol bilong Minista long Waigani.

I gat pret olsem nogut ol distrik husat ol memba bilong ol save sindaun long Oposisen bai i no inap kisim gut distrik fan bilong ol olsem gavman i save mekim long daunim na bagarapim ol Oposisen memba o pulim ol memba go jonim gavman sait.

Tasol gavman i sanap strong olsem dispela atoriti i gat sistem bilong em yet we em bai ran olsem bisnis na i no politiks sistem bilong gavman olsem pastaim.

Olgeta senis gavman i save kamapim olsem em bilong testim na lukim sapos bai inap wok o no gat. Kaikai bilong em bai yumi ken lukim long sevis na ol projek insait long ol distrik na ol ples.

Bai olgeta pablik sevis woklain i go bek na wok long distrik o no gat? Nogut ol go stap liklik taim tasol na ranawe go bek long ol taun na siti bikos long ol gutpela sevis olsem benk, spot na ol pilai, haus sik, skul, lo na oda hevi na arapela moa.

Published Weekly, Thursday, for Word Publishing Company, Ltd. P.O. Box 1982, Boroko, NCD Papua New Guinea

Telephone: (675) 325 2500 Fax: (675) 325 2579

Email: editorial@wantok.com.pg

Pe bilong wanpela yia

Websait: www.wantokniuspepa.com

Pe bilong wanpela yia, 52 niuspepa

PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager Elizabeth Konga
Editor Veronica Hatutasi

Published at Able Building Complex, Sec 58 Lot 02, Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out full on the display advertising form.



Program bilong Wanwan De

De - Mande - Fraide

6am - 10am - Sankamap show - Host: Kas.T
6:00am - Major Nius Bulletin
6:15am - Komuniti Notis Bod
6:25am - Taim Bifo - wanpela singsing blong bifo.

Tasol
9:30am - Final aua cruz
10am - 3pm - Morin Trek na Belo Pack
10:00am - Major Nius Bulletin - YUMIFM Nius Senta

2:00pm - Major Nius Bulletin - YUMIFM Nius
2:05pm - YU TOK - komiuniti awenes program
2:45pm - YUMI PANIM WOK Segment

6:10pm - 7:00pm Mon kamap sho
6:45pm - Komuniti Notis Bod
7:00pm - 9:00pm - COCA COLA GARAMUT

Sarere belo cruz - Host: Tuluvan Vitz
1pm - 2pm - Sarere Belo Taim Dedikesen
2:00pm - NIUS - YUMIFM Nius Senta

RADIO AUSTRALIA TOK PISIN PROGRAM HARIM LONG: 101.9 FM

6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

TUNDE - Moring - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

TRINDE - Moring - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

FONDE - Moring - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

FRAIDE - Moring - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

SARERE - Nait
7PM Stesen op - Ol Nius Hetlain/Program Priviu
7.05PM Musik na Chit Chat

SANDE - Nait
7PM Stesen op - Ol Nius Hetlain/Program Priviu
7.05PM Musik na Chit Chat

Raun wantaim Wantok kru ...



Mountain ben wantaim Sister Pomi insait long Yumi FM radio stesen. Foto Nicky Bernard.

Mountain ben na Sister Pomi bai laitim Kokopo

Nicky Bernard i raitim

insait long kantri bilong yumi.

Ol kam wantaim wanpela meri husat tu gat nem long musik singsing bilong em.

pela wiken wantaim ol regge bit bilong ol na dispela bai opim ai bilong ol regge fen long Kokopo.

Mountain ben i gat bikpela nem long Africa wantaim ol musik singsing bilong ol na tu sampela hap long wol i save tu long muisk sing sing bilong ol olsem yumi long PNG.

Sister Pomi na Mountain ben bai laitim Kokopo taun long dis-

Dispela so bilong bai pulim planti ol mangi wantaim ol mama long wanem bai ol pilai long san taim long Kalabon pilai grun.

TUPELA bik nem ben bilong Africa kam stap pinis long Papua Niugini na bai pilai long sampela hap

EMTV Television Guide

FONDE NOVEMBA 27, 2014

8:40 PMG HOT SPOT Ep#33
9:10 PM PG ELITE MUSIC ZONE #31
9:40 PM G NEWS REPLAY
.....followed by the Australia Network

SLEEPOVER CLUB S1 EP#11/26
SHAK S6 EP#1/40
5:30 PM G SKIPPY - Puppets
5:55 PM G CRIME STOPPERS
6:00 PM G EMTV NATIONAL NEWS
7:00 PM G IN MORESBY TONIGHT - ALERT THREATENED SPECIES
8:30 PM MA FRIDAY NIGHT MOVIE
10:00PM G EMTV NEWS REPLAY
.....followed by the Australia Network

7:30 AM G AUSTRALIA NETWORK
8:30 AM G SKILLICIOUS S2 EP#7/7
9:00 AM G DANI'S HOUSE S2 EP#2/12
9:30 AM G ULTIMATE GUINNESS WORLD RECORDS - EP#31/52
10:00 AM G PACIFIC WAY EP#16 - Rpt.
10:30 AM G SKIPPY - Puppets - Rpt.
11:00 AM G AUSTRALIA NETWORK
5:30 PM G OLSEM WANEM EP#39
6:00 PM G EMTV NATIONAL NEWS
6:30 PM G SECRET MILLIONAIRE USA - RAIT MUSIK repeat
8:30 PM MA MOVIE - RISKY BUSINESS
10:00 PM G EMTV NEWS REPLAY
.....followed by the Australia Network

3:30 AM G AUSTRALIA NETWORK
6:30 AM G EMTV NEWS REPLAY
7:00 AM G HILLSONG
7:30 AM G AUSTRALIA NETWORK
9:00 AM G BUSINESS PNG YR.3 EP#38 rpt.
9:30 AM G AMAZING SPIES Ep #4
10:00 AM G OLSEM WANEM EP#39 - RPT
10:30 AM G RESOURCE PNG EP#37 - Rpt
11:00 AM G ITALIAN KHANNA Ep #2
11:30 AM G ITALIAN KHANNA Ep #3
12:00 PMG AUSTRALIA NETWORK
5:30 PM G LOVE PATROL S6 Ep #02
6:00 PM G EMTV NATIONAL NEWS
6:30 PM G VOCAL FUSION S1 - Ep#11
7:30 PM G TOK PIKSA - EP#2014/44

FRAIDE NOVEMBA 28, 2014

4:00 AM G AUSTRALIA NETWORK
5:00 AM G JOYCE MEYER 1099-5
5:30 AM G EMTV NEWS REPLAY
6:30 AM G TODAY
09:00 am G CLASSROOM BROADCASTS
3:30PM G KIDS KONA
HI 5 S12 EP#38/39
NEW MACDONALD'S EP#51/52

SARERE NOVEMBA 29, 2014

4:30 AM G AUSTRALIA NETWORK
6:00 AM G EMTV NEWS REPLAY
7:00 AM G IN HIS STEPS EP#33

SANDE NOVEMBA 30, 2014

4:30 AM G AUSTRALIA NETWORK
6:00 AM G EMTV NEWS REPLAY
7:00 AM G IN HIS STEPS EP#33

4:30 AM G AUSTRALIAN NETWORK

5:00 AM G JOYCE MEYER 1099-4

5:30 AM G EMTV NEWS REPLAY

6:30 AM G TODAY

09:00 am G CLASSROOM BROADCASTS

KIDS KONA

HI 5 S12 EP#37/39

NEW MACDONALD'S EP#50/52

SLEEPOVER CLUB S1 EP#10/26

SHAK S5 EP#33/33

5:30 PM G PACIFIC WAY EP#16

6:00 PM G EMTV NATIONAL NEWS

7:00 PM G RAIT MUSIK EP#232

8:00 PMG RESOURCE PNG Ep#37

8:30 PM G SOKA XTRA EP#31

TORO



BIABIA



KANAGE



SUDOKU

9x9 grid of numbers for a Sudoku puzzle. The numbers are: Row 1: 7, 4, 1, 6, 8, 2, 9, 3, 5; Row 2: 9, 2, 6, 7, 5, 3, 4, 8, 1; Row 3: 5, 3, 8, 1, 4, 9, 2, 7, 6; Row 4: 2, 8, 7, 9, 3, 6, 1, 5, 4; Row 5: 6, 9, 4, 5, 1, 8, 3, 2, 7; Row 6: 3, 1, 5, 4, 2, 7, 8, 6, 9; Row 7: 4, 5, 3, 2, 6, 1, 7, 9, 8; Row 8: 1, 7, 2, 8, 9, 5, 6, 4, 3; Row 9: 8, 6, 9, 3, 7, 4, 5, 1, 2.

Ansa bilong las wik Sudoku # 70

9x9 grid for a second Sudoku puzzle. The numbers are: Row 1: 5, 9, 2, 3; Row 2: 4, 9, 3, 7, 6; Row 3: 3, 2, 6; Row 4: 2, 3, 1, 4; Row 5: 1, 8, 4, 3; Row 6: 3, 4, 2, 6; Row 7: 3, 5, 7; Row 8: 7, 9, 6, 1; Row 9: 8, 4, 5, 6.

Ansa bilong Sudoku # 71 neks isu

A crossword puzzle grid with letters. The words are: ADAM, BAS, PENITAIM, AMIN, ISAS, IAU PA IN, LMS MA LO, O RITIM, TORO, R U NI, OK A N, A BENK E PA, S T A T S T E P.

Ansa bilong las wik krowod, isu # 2098

KROWOD

- Akros: 1 Wanpisin, 2 Samting bilong woa, 8 Nem bilong meri, 10 Dring, 11 Bia, 12 Han, 13 Yau, 14 Begin, 15 Sakim, 19 Pekato, 20 Diana Tuna em wanpela, 22 Pis, 24 Is Sepik, 25 Tait, 28 Bilong lukluk, 30 Solwara, 31 Nogat, 32 Askim kot long helpim, 33 Nem bilong man, 34 Politikal pati, Daun: 1 Pe de, 2 Ol soldia, 3 In, 4 Pulap long diwai, 6 Bilong paitim nil, 9 Painim long frisa, 12 Bekim, 13 Sankamap, 16 Ples long Bogenvil, 17 Glas, 18 Piksa, 21 Mani bilong wok, 23 Marasin frut, 26 Meri bilong em i tanim kamap sol, 27 Leta, 29 Olpela Sief Ombudsman, 30 Bilas bilong lek

A crossword puzzle grid with numbers 1 through 34 indicating starting points for words.

© ABS, 2014

EMTV Television Guide

Television schedule table with columns for time slots (8:00 PM G, 9:00 PM MA, 10:30 PM G, 11:00 PM G, 4:00 AM G, 5:00 AM G, 5:30 AM G, 6:00 AM G, 09:00 am G), program titles (60 MINUTES, MOVIE: THE REPLACEMENTS, HILLSONG Rpt., EMTV NEWS REPLAY, KIDS KONA, TUNDE NOVEMBA 25, 2014, JOYCE MEYER 1099-02, NATIONAL EMTV NEWS REPLAY, TODAY, CLASSROOM BROADCASTS, EMTV NEWS REPLAY, TRINDE NOVEMBA 26, 2014, JOYCE MEYER - 1099 - 3, EMTV NEWS REPLAY, TODAY, CLASSROOM BROADCASTS, KIDS KONA, DANIS HOUSE - SEASON 2 - EMTV NATIONAL NEWS, HAUS & HOME Ep#35, BUSINESS PNG YR.3 - Ep#36/2014, MERLIN SEASON 4 - EP#8/13 - "Lamia", EMTV NEWS REPLAY, Great Animal Escapes #3, OUR PORT MORESBY EP#20, VOCAL FUSION SEASON 1 - TOK PIKSA EP# 43 REPEAT, NEWS REPLAY), and network information (followed by the Australia Network).

Ol Progam na Kilok i ken senis oltaim...

TOK PISIN NEWS
from Radio Australia
radioaustralia.net.au

101.9FM
Port Moresby



Ol pikinini meri Malaita long Solomon Ailan i soim amamas olsem wanpela meri i win long nesanel ileksen. Poto: ABC

Ol Raun Nabaut Poto



ELVIS PRESLEY: Wanpela man husat i ekt olsem Rock and Roll supa sta bilong bipo, Elvis Presley, i bin raun long 2014 PNG Gems.

PNG Oposisen i no wanbel long gavman

Gavman bilong Praim Minista, Peter O'Neill i mas givim bek K500 tausen kina i go long ol lokal level gavman, na no ken haitim.

Ol lain oposisen i mekim dispela toktok bihain long gavman i bin tokaut long baset olsem bai ol i no inap givim dispela mani i go long ol lokal level gavman long kantri.

Gavman i bin tokaut long dispela baset long wik i go pinis, na Palamen i bin sidaun long lukluk gen long dispela baset lon dispela wik.

Sam Basil, deputi lida bilong Oposisen i tok tingting bilong gavman long holim bek dispela mani bai kamapim bikpla hevi long ol pipel long ol rural komyuniti.

Mista Basil i tok tu olsem dispela kain pasin i soim olsem korapsen i stap insait long kantri.

Nesanel baset em bikpela wok bilong nupela Solomon gavman

Namba wan wok bilong wanpela nupela gavman bilong Solomon Ailan bihain long nesanel ileksen long wik i go pinis, em i bilong kamapim baset bilong kantri.

Klak o kuskus bilong Palamen, Taeasi Sanga i tok fainensel yia bilong Solomon Ailan bai pinis long namba 31 Desemba.

Em i tok sapos nupela gavman i no inap kamapim nupela baset bipo long Desemba 31, orait nupela fainansel minista i ken makim wanpela mani mak na gavman ken i ran long em insait

long 4-pela mun.

Tasol Ms Sanga i tok ol nupela memba i mas makim wanpela nupela praim minista pastaim, na em bai makim ol minista bilong en long gavman.

Bihain long dispela, orait ol i ken lukluk long kamapim baset bilong kantri.

Moa olpela Palamen memba i winim ileksen

Dispela i namba wan taim long histori bilong Solomon Ailan we planti olpela memba i winim ileksen na go bek long Palamen.

Dokta Tarcicius Tara Kabutaulaka Asosiet Profesa long Yunivesiti bilong Hawai i tok ol risal bilong ileksen long Solomon Ailan i soim olsem namba wan taim tru bihain long independens long 1978, planti moa memba Palamen i winim gen ileksen.

Seventi pesen long ol memba bilong las Palamen o 35 long ol 50 memba nau i winim bek sia bilong ol.

Saveman bilong politiks, Dokta Tarcicius Tara Kabutaulaka i tok bipo, samting olsem 50 pesen long ol olpela memba i save win long ileksen.

Em i tok i luk olsem ol kain kain bikpela mani we ol memba i kisim long gavman pastaim long ol i pinis, i mekim planti long ol i win gen.

Dokta Kabutaulaka i givim tingting bilong em long risal long Solomon Ailan nesanel ileksen em i bin kamap long las wik Trinde.

PNG Oposisen i sutim tok long gavman

DEPUTI lida bilong oposisen

long Papua Niugini i sutim tok long gavman bilong Peter O'Neill olsem ol i no gutpela lain long lukautim kantri.

Sam Basil i mekim dispela toktok bihain long Ombudsman Komisin i bin makim namba tri minista bilong Gavman, Minista bilong Works na Implementesen, Francis Awesa, long go long kot.

Ombudsman Komisen i bin kotim tu Praim Minista yet Peter O'Neill na Minista bilong Turism na Kalsa, Boka Kondra.

Polis i tok ol i wok long mekim ol wok painimaut yet long ol 15 narapela memba.

Mista Basil i tok tu olsem maski Praim Minista i bin tokaut bipo olsem em i laik daunim pasin korapsan, dispela kain pasin i no stop liklik.

Wanpela Solomon Ailan meri i winim ileksen

NESENEL Kaunsil ov Wimen i amamas long wanpela meri i winim ileksen na makim maus bilong ol meri long Palamen.

Lorio Sisiolo Jenerel Seketeri bilong Solomon Ailan Nesanel Kaunsil ov Wimen i tok ol i amamas tru long wanpela meri i winim ileksen. Freda Komua bilong Tikopia long Is bilong kantri i bin winim Clay Forau.

Moa long 20 meri i bin sanap long 2014 nesanel ileksen, we i luk olsem Freda Komua bai wanpela meri tasol long nupela Palamen bilong kantri.

Mis Sisiolo i tok, long 2006 na 2010 nesanel ileksen i bin gat moa long 20 meri i bin sanap, tasol no gat wanpela i bin win.

Nau Mis Sisiolo i tok ol i amamas long Freda Komua i winim ileksen.



KEMERA MEN: Kemera man bilong Kundu 2, Jack, i bisi tru long kisim video bilong ol spot manmeri long PNG Gems.



PNGDF: Ol Papua Niugini Difens Fos (PNGDF) i mekim bikpela sekyuriti wok long PNG Gems. Ol poto Isaac Liri



Yangpela blong Ramu Projek papagraun kisim trening long PNG Maritaim Koles

RAMU NiCo Menesmen (MCC) Limited, divelopa bilong bikpela nikel/kobalt projek long Madang provins i luksave olsem trening na edukesin developmen bilong ol yangpela manmeri insait long Projek eria bilong en em bikpela samting bikosl i ken surikim Projek wok bilong en i go het.

Antap long en tu em Ramu NiCo aninit long sosel obligesin o wok em i mas wokim em long trenim ol lokal pipel long wok bilong maining na helpim lokal komyuniti long go het.

Olsem na long dispela yia long mun Octoba em i redim rot long 20-pela yangpela lain bilong Kurumburi na Basamuk long stap insait long wanpela pri-vokesinol trening long PNG Maritaim Koles long Madang. Dispela bikpela institusen long Madang i save go pas long trenim ol wok lain bilong sip o lain i save wok long kontrolim ol sip i ron long solwara.

Presiden bilong Ramu NiCo Menesmen (MCC) Limited, Wang Jicheng i tok amamas long PNG Maritaim Koles long givim tok-orait long kisim ol lokal treini bilong Ramu Projek eria long givim trening long ol long institusen bilong en.

Presiden Wang wantaim ol wok-lain bilong Ramu NiCo na tu Deputi Jeneral Menesa bilong Human Risos Dipatmen bilong Ramu NiCo, John Rosser i bin stap long lukim ol yangpela lain treini i kisim setifiket bilong ol las wik Fraide.

Mista Wang i tok Ramu NiCo i gat memorandum ov agrimen (MOA) pepa wantaim ol stekholda na dispela i givim ol luksave long redim rot bilong ol yangpela manmeri insait long projek eria bilong en long go long ol skul long kisim trenining long bihain go bek long wok insait long kampani. Ol projek eria bilong Ramu NiCo em long Kurumbukari, Basamuk, Inlen Paiplain na Kostal Paiplain.

Presiden Wang i tok olsem wanpela samting we Ramu NiCo olsem divelopa bilong nikel/kobalt projek i luksave em long wantaim samting kampani i nisim long sait long kisim ol gutpela saveman we i gat gutpela edukesen na ekspirians insait long lokal komyuniti long Projek eria. Olsem na kain ol trening ol yangpela i kisim long PNG Maritaim

Koles bai givim strong long ol long save long wanem ol teknikal eria long wok na ol i ken bringim dispela save i go long wok wantaim Ramu NiCo, kampani we i wok long eria bilong ol long Madang provins.

Mista Wang i tokim ol yangpela lain husat i greduet long las wik Fraide olsem dispela kos o trening ol i kisim long PNG Maritaim Koles em ol lain i redim em long givim save long ol dispela yangpela man na meri long resis long kisim spes long wok insait long wanem eria Kampani i givim wok long ol.

"Mi harim gutpela ripot i kam long PNG Maritaim Koles olsem yupela dispela ol lain i soim gutpela pasin na rispekt na stap gut stret, na dispela i soim olsem yupela i gat bikpela tingting long lainim gut samting long stretim bihain taim bilong yupela," Presiden Wang i tok.

"Mi amamas tru long harim gutpela stori bilong yupela," em i tok.

Mista Wang i tok long sait bilong Kampani, ol bai givim pepa bilong wok o aplikesen fom na askim ol dispela lain husat i pinisim trening long PNG Maritaim Koles long pulumapim. Long aplikesen fom em ol dispela yangpela lain i mas raitim daun wanem subjek ol i lainim long PNG Maritaim Koles we Kampani i mas luksave long en.

Presiden Wang i tokaut tu olsem HR deputi jeneral menesa bilong Ramu NiCo, John Rosser bai toktok wantaim Kampani menesmen long Basamuk na KBK Main long bihainim wanem eria blong wok ol dispela lain treini bai go wok long en. Ol dispela lain treini bai wokim tripela mun wok ekspirians progrem bihainim polisi o lo bilong kampani pastaim. Bihain long dispela ol dispela lain husat i wok gut na soim stret save bilong ol em ol bai kisim pemanen wok wantaim Ramu NiCo.

Wanpela lokal treini, Adam Kuiza i tok olsem dispela pri-vokesinol trening ol i kisim long PNG Maritaim Koles i gutpela stret na ol boi i lainim planti nupela samting.

Adam i tok tu olsem kain trening olsem i mas go het yet bikos em bai givim gutpela skills na save long ol yangpela lain long save long wanem fil ol bai wok long en. Moa long en tu, Adam i tok dispela trening tu i skulim ol long pasin bilong rispekt na tu wok bung wantaim na lainim samting we i gutpela long bihain taim bilong ol.



Grup poto bilong ol lain yangpela lain bilong Ramu Projek papagraun husat i stap 5-pela wik pri-vokesinol trening long PNG Maritaim Koles



Presiden bilong Ramu NiCo, Mista Wang Jicheng i givim setifiket long wanpela treini.



Presiden Wang i tok amamas long ol lain kisim pri-vokesinol trening.

RAMU NiCO **Ramu NiCo redi long givim**
 Insait long moa long tupela yia, Ramu NiCo i sanapim pinis malti bilian Kina Ramu Nikel Projek, na nau mipela i redi long komisanim.
 Bihain long mipela i kisim olgeta tok orait na stretim ol teknikal wok redi, Ramu NiCo i go het wantaim bikpela wok konstraksen long namba tu hap bilong 2008. I kam inap nau, olgeta bikpela konstraksen wok long Krumbukari main sait na Basamuk rifaineri i pinis, na projek i stap redi long kisim komisanim o tok orait long mekim wok. Long wol tu, dispela kain hariap sanapim em i no kamap bipo long wanpela kain bikpela projek olsem, na i daunim olgeta

salens bilong graun na masin bilong mekim wok.
Ol dispela namba i soim klia mak bilong wok mipela i pinisim:

- Moa long 4.5 bilian kubik mita bilong graun wok i pinis
- Klostu 195,000 kubik mita simen i silip pinis
- Klostu 48,000 tan stil bilding i sanap, hap long ol em ol nupela
- Moa long 2,000 yunit masin i sanap redi
- Moa long 227 kilomita bilong baret na proses paip i silip (antap long 135 kilomita slari paiplain)

Wanpela Ramu NiCo, Wanpela Komyuniti

PNG Thai boksa redi long tonamen long Australia

Isaac Liri i raitim

YANGPELA Thai boksa bilong Papua Niugini, Alfred Samuel, i wok long redi long go pait long wanpela Thai boksing tonamen we bai kamap long neks mun long Sydney, Australia.

Nem we Samuel i save yusim taim em i pait insait long ring em *The Great White Shark*. Long Tok pisin bai yumi tok traipela waitpela sak.

Pait long wanpela Thai boksing tonamen long Australia em i no nupela samting long Samuel husat i gat 24 krismas tasol na i gat amamas long pait na karim nem bilong ol sponsa, ol sapota, na kantri bilong em.

Revolution at the Roxy em nem bilong dispela tonamen we Samuel bai pait long en, na man husat bai salensim Samuel em wanpela boksa bilong Australia, Nathan

Washington.

"Mi pait wantaim Washington pinis, na mi save long stail pait bilong em. Em i wanpela strongpela paita, na mi bai traim hat long winim em taim mi go insait long ring," Samuel i tok.

Samuel em i pait olsem wanpela Thai boksa long Australia inap long 6-pela taim, na pait olsem wanpela kik boksa long Australia moa long 50 taim.

Em i tokim *Wantok Niuspepa* olsem em i gat inap ekspiriens, na em bai yusim ekspiriens bilong em long pait strong na win.

Long ol mun i go pinis, Samuel i bin stap long trening, na tu, em i bin wok long helpim ol yangpela kik boksa bilong tim NCD husat i pait long PNG Gems long Lae.

Samuel i tok helpim ol arapela yangpela kik boksa i givim em strong long redi long bikipela pait bilong em



Menesa bilong Alfred Samuel, Fabian Pok Junia (Han kais) na Alfred Samuel yet (Han sut) Poto Isaac Liri.

long Australia.

Pait bilong Samuel bai kamap long Fox TV, na tu, ol arapela TV kampani long

Australia bai soim dispela pait.

Em i tok em laikim ol pipel bilong dispela kantri long

lukim dispela pait long TV, long wanem, em bai pait strong long apim nem bilong Papua Niugini.

NCD winim gol medal long kriket

Isaac Liri i raitim

NCD i winim Morobe long gol medal salens bilong kriket long 2014 PNG Gems long Tunde long dispela wik.

Dispela tupela tim i no bin lus long ol pilai long wan wan pul bilong ol, na tupela i bung long gren fainel.

Bihain long liklik ren i pun-daun, ol opisal i bin laik stopim dispela pilai tasol bihain ol i pasim tok long het bikos i no gat moa taim long kamapim pilai long bihain.

Ol mangi Morobe i bin bet pastaim tasol stat bilong ol i no bin kam gut, long wanem, ol bowla bilong NCD i autim ol top beta bilong Morobe insait long tripela ova tasol.

Bihain long 20 ova, Morobe i kisim 136 ran wantaim tripela beta bilong ol i stap yet.

Ol beta bilong NCD i no bin givim sans long ol bowla bilong Morobe taim ol i go aut long bet. Insait long 8-pela ova tasol, tupela beta bilong NCD, Tanti Heni na Vagi Vai i mekim moa long 50 ran.

POMCA Avala winim anda 18 nesanel rijonal sempionsip

Isaac Liri i raitim

POT Mosbi Kriket Asosieisen (POMCA) Avala i winim Combined Schools XI long namba wan anda 18 kriket nesanel rijonal sempionsip we i bin kamap long Sir Hubert Murray Stadium.

Dispela sempionsip i bin pinis long las wiken na Gold Nuggets i bin go pas long putim mani long kamapim.

Gren fainel bilong dispela sempionsip i lukim POMCA Avala i winim Combined Schools XI long faipela wiket.

Combined Schools i bin bet pastaim na kamapim 125 skoa insait long 20 ova. Ol bowla bilong POMCA Avala i bin autim 8-pela beta bilong Combined Schools XI.

Vagi Guba bilong Kilakila Sekenderi Skul i bin bet gut tru na kisim planti skoa bilong ol Combined Schools XI.

Guba husat i gat 16 krismas tasol i bin kisim 44 rans na mekim ol sapota bilong Combined Schools XI i amamas.

Long bekim ol skoa we Combined Schools XI i kamapim, ol beta bilong POMCA Avala i bin wok bung na kisim planti ran na daunim ol Combined Schools XI.

Paul Lila husat i save pilai wantaim Raukele CC i kisim 30 rans, Heagi Toua bilong United CC kisim 22 rans na Igo Mahuru kisim 25 rans.

Hat wok bilong dispela tripela beta bilong POMCA Avala i bin helpim ol long daunim ol Combined Schools XI.

Ol bowla bilong Combined Schools XI i no bin inap long autim olgeta beta bilong POMCA Avala na pilai i bin pinis wantaim planti



POMCA Avala

ova yet i stap.

Gem Developmen Menesa bilong Cricket PNG, Gayan Loku, i tok dispela Gold Nugget anda 18 nesanel sempionsip i bin kamap gut na ol planti yangpela i bin soim ol gutpela talen bilong ol long pilai kriket.

Dispela tonamen i bin lukim sampela ol anda 18 top kriket pilaia bilong POMCA, Tubuseria na ol skul long Pot Mosbi.

Mista Loku i tok astingting bilong kamapim dispela tonamen em long painim ol yangpela husat i gat talen long pilai kriket.

Em i tok ol bai karim dispela tonamen i go long ol arapela rijon bilong Papua Niugini long klostu taim.



ASA SUMBA! Ol meri Morobe, bipo long ol i go salensim ol Manus long hoki gren fainel. Poto Isaac Liri.

Ol spot poto long wiken...



Ol Poto Isaac Liri.

AROB: Ol weitlifa bilong tim Bogenvil.



WESTEN HAILENS: Ol yangpela spot manmeri bilong Westen Hailens i sindaun malolo na Wantok Niuspepa i kisim poto bilong ol.



Sauten Hailens Vs Sandaun.



MADANG: Ol soka boi bilong tim Madang.



MADANG: Ol yangpela memba bilong tim Madang.



Manus Vs Sentral.

TOKSAVE: Salim ol spots dro bilong yu kam long Feks; 325 2579, e-mel; bveo@wantok.com.pg o kam lusim long Wantok Niuspepa opis long Able Building Complex long Central Waigani, NCD.



TUNA IN OIL

Moa oil na meat insait



**PNG Thai
boksa redi
- P25**

**OI PNG Gems
eksen poto
- P27**

**NCD winim gol
medal long
kriket.**

Lukim stori long pes 25



**PNG GEMS
MEDAL TALII**

Province	Gold	Silver	Bronze	Total
Central	46	37	25	108
Morobe	37	32	21	90
NCD	30	35	25	90
AROB	22	12	24	58
EHP	11	8	10	29
ENB	10	15	19	44
Simbu	5	14	6	25
WNB	5	5	7	17
Manus	5	3	8	16
WHP	3	4	10	17
Madang	3	1	4	8
Enga	2	1	2	5
New Ireland	1	2	5	8
Jiwaka	1	1	6	8
SHP	1	1	2	4
Milne Bay	1	0	5	6
East Sepik	0	1	3	4
West Sepik	0	1	1	2
Northern	0	0	0	0
Hela	0	0	0	0
Gulf	0	0	0	0
Western	0	0	0	0
TOTALS	183	173	183	539

Apdeitim long 7pm Trinde nait

Mitsubishi FUSO Rosa Bus



Apgrad ensin
130Hp
4 silinda disel



**Ikamap Wantaim
26 na 30 Sit**

Hariap nau na go long
Boroko Motors dila bilong yu



PIKSA EM BILONG ILLUSTRASEN WOK TASOL



PORT MORESBY Ph: 325 5255 LAE Ph: 472 1144 Mt HAGEN Ph: 542 1933 TABUBIL Ph: 649 9048 KOKOPO Ph: 982 8193
 MADANG Ph: 422 2659 KIMBE Ph: 983 5035 GOROKA Ph: 532 3552

Email: info@borokomotors.com.pg
 Website: www.boroko-motors.com

